

三山齋集一

詩 既 書 啓 儀

本館藏

共六

~ 16  
2339  
1



和  
號 2339  
卷 1-6

三山齋集總目



卷之一

詩

卷之二

疏

書啓

議

卷之三

書

卷之四

三山齋集

總目

書

卷之五

書

卷之六

書

卷之七

書

卷之八

序

記

題跋

卷之九

行狀

墓文

祭文

告文

哀辭

卷之十

雜著

卷之十一

雜著

卷之十二

雜著

--	--	--	--	--	--	--	--	--	--	--	--	--

三山齋集卷之一目錄

詩

送徐士毅迥修還京

夕景

陪家君訪應天寺敬次席上韻

上元夜諸人步出溪上余病未從

山陽洞小集得陰字

雲臥广遇雨

贈別生炬

出勝川店候宋叅奉叔

約欽

不至歸路有賦

九日

憶士毅

對菊

卽事

題金士信九熙齋壁

望山下人家

與弟敬以鴻鴈聯句

既望夜陪家君出溪上里中人皆至呼山字

獲豆

十八夜候月

冬夜書懷示諸友

月夜送人溪上

鎮川途中

首夏

昏投素沙

天安歸路憶龍山二弟

隣舍夜酌

普光寺贈雪岑上人

山映樓上元夜

再遊山陽洞次席上韻

石林夏夜次主人從舅洪公櫟韻

翌夜又次諸人韻

端午楊山道中

還京

成歡曉發

還家

發天安

與叔輔庶再從叔弼行拈唐人韻共賦

又拈唐人韻要印

用晦翁別南軒韻贈別洪德保大容

楚楚軒與士毅存吾從弟履獻聯句

靜觀李先生端相延諡次主人韻代人作

和寄士毅三首

可久堂除夕次三淵集中韻四首

士毅入城次簡易集韻

朴士混達源別歸清州口號以贈

次簡易集韻奉別權戚丈震應

夜風甚敬次三淵集韻

翌日天氣晴暄又疊前韻

寄德保二首

次韻贈別韓生聖路○

三首

偶吟次唐詩韻

夜訪叔輔

入城

閔大之百兼挽

柳季方義養大夫人挽代人作

卽事敬次家君韻

可久堂夜酌次諸人韻四首

上遣官賜祭于顯節祠同諸人往叅歸後諸人有

詩次韻代人作

送通信使之日本代人作

九日登釋耒亭舊址同諸君飲酒次少陵韻

病裏又疊

寄贈洪文哉標

石室除夕次三淵集韻五首

喜雨次少陵韻

訪曹溪

曹溪二首

西平君亭子

古寺

玉流洞敬次稼齋從曾祖韻

金流洞得天字

還至玉流洞次士毅韻

追次士毅聖寺韻

題畫扇

前江觀漲同俞季積

彥銖

尹伯常

著東

洪伯能

樂舜 各拈一韻輪次

次伯常韻

次季積韻

次伯能韻

次伯常韻 二首

十五夜德保李敬之

翼天

自石室棹小舟而來

呼天字

松都

清香閣

崧陽書院 三首

善竹橋

滿月臺

訪瀑路中

瀑布 二首



望萬景臺絕頂日暮未上

寂照菴遺墟

百花潭少憩

逝斯亭

洪生儻同遊山中臨別口號

別季珍翁

臨津舟中

尹水原滄挽二首

陶谷拜墓

南漢山城

西將臺次俞興之漢禎韻二首

顯節祠

次杜詩秋興八首韻

九月大雷電以雨二首

士毅來訪拈韻共賦三首

崦岷店舍

卽事

雪二首

有懷諸友三首

有感四首

遊南山

李功甫

亮天

挽四首

金仲佑

相翊

宅小集得秋字

李寢郎

慶甲

作打魚之會有詩索和

與金弁

必恭

遊懿陵池上

石室書院聯句

次尹學士

集

旌閣時軸中韻

仁元王后挽詞

代人作

朝起江冰益解

二首

訪李胤之

胤永

梅花始開主人有詩次韻

胤之又以詩來次韻以送

疊來字

疊房字

再疊房字

三疊房字

再疊來字

三疊來字

胤之又寄二詩索和

二首

四疊來字

四疊房字

疊隴字

疊名字

再疊隴字

再疊名字

三疊名字

三疊隴字

四疊名字

四疊隴字

贈別姜季昇鼎煥○

洪克之樂真來留石室書院半月而後告歸臨

行出詩索和步韻為別

次韻贈別黃永叟胤錫

湖南三賢來留院中臨別書贈

贈金生天衢二首

病中次友人韻二首

陪家君及櫟泉宋叔明欽遊俗離山夜宿福泉

菴謹次宋叔韻

稽山小集

除夜與諸友飲酒

鄭南為東翼李明叟敏哲有詩求和却寄二首

三山齋集  
兩賢勉余以學政用見寄韻爲別兼道愧謝之意

草江觀梨花書示金欽哉勳

題韓重文思愈雲山書屋用軸中韻

訪李景俞濟翔山居次主人韻

宗老僉知天行過余稽山有詩要和

登水晶峰

余宰報恩時陪家君及櫟泉宋叔宿福泉菴今爲八年而宋叔已下世矣感而賦之

和陶詩三篇酬金季潤相肅

和陶詩贈族祖長沙公韻又酬金季潤

自白馬江舟下鏡湖夜宿八卦亭金斯文季說

相丁携酒來話呼韻共賦

沈一之定鎮新宅與諸友共賦

李僉正仲玉珪鎮用冰湖帖韻有詩要和

長溪君棟挽

金水亭

歇惺樓敬次清陰祖考板上韻

宿正陽寺雨無霽意戲次金天季一默韻

雨後登歇惺樓

天季與李君德哉上毗盧余未能從

登萬景臺見曾祖考日記嘗題名此處而今不可求矣

鉢淵歸路得佳處小憩

玉流洞

叢石亭次天季韻

又賦

泛海訪金襴窟

洛山寺

鏡浦臺謹次止菴從叔父韻奉贈江陵府伯

族

侄魯淳

又次天季韻

德哉自原州先歸臨別書贈

洪僉知

章漢挽四首

盈德清心樓

余旣罷官卽發海上之行路中有賦

沒雲臺觀日出

謹次內舅洪公

梓

寄示韻

又次軸中韻呈內舅

羅斯文叔章

重晦

惠然遠訪袖出一詩屬意甚

勤因次其韻以謝之

月夜步出南石橋

舍人巖

舟下龜潭

又賦

龜潭

歸自丹丘鄭元美

趾煥

以二律見寄求和

二一首

酬沈景洛

淳希

謁四忠祠

沈一之携酒來訪歸以一詩見寄謹次其韻為

謝

寧陵令李公阻風留話誦其舟中作一篇輒次其

韻

戲示西隣俞君

漢順

和寄柳汝思

知養

偶吟

羅叔章訪余漢湖之上留四月而後歸間出一

詩求和臨別書此聊見相勉之意

和寄汝思

三首

謹賡

御製書筵志喜韻

祇受 東宮賜曆又用前韻

謹賡 御製韻題 內賜褒忠綸音卷後 二一首

詠梅

詠松

文孝世子挽詞 五首 〇 不呈

送汝思之官北青

同沈君靜能 公定 乘舟尋銀石寺靜能有詩和

之

莊獻世子遷園挽詞 五首 〇 不呈

三山齋集卷之一

詩

送徐士毅 迥修 還京

東風吹習習溪水日西流行人懷遠途征馬亦悠悠  
中夜不能寐攬衣步庭幽平生易別離云何使余憂  
良友自遠方永託同聲求太極濂翁圖小學考亭謨  
雖無德與子言談每綢繆今朝一遠別誰與窮居儔  
晨光入園柳春色滿南州努力慎跋涉山川一何脩  
延佇悵日暮新梅搯遠洲

夕景



風滿高林夕氣清  
溪村寂歷棲禽鳴  
今宵池上應生月  
坐待西峰半郭明

陪家君訪應天寺敬次席上韻

叱牛清溪聲深霧  
暗山路坐來紅日轉  
亭亭映古樹  
上元夜諸人步出溪  
上余病未從

清歡未共此宵閒  
深臥遙看烟外山  
明月獨憐騷客  
病分留清影照愁顏

山陽洞小集得陰字

聞說山陽洞經春  
茂樹林招邀逢谷日  
爛漫入松陰  
細瀑絲蘿濕蒼厓  
錦竹深壺傾人欲散  
相送轉山禽

雲臥廣遇雨

偶牽幽興出亭午  
見青岑入谷雲生屐  
憑巖雨滿襟  
暝烟隨野犢遠勢失  
山禽渾欲迷歸路  
聞鐘洞益深

贈別宋生

烜

牢落懷離別南來歲  
五周偶逢丹峽客  
一說驪江遊  
鞍馬川原曠衣裘  
雨雪浮今朝君又送  
攀桂若為留

出勝川店候宋叅奉叔

約欽

不至歸路有賦  
立馬危橋山色赤  
行人不見獨來還  
風烟撩亂千村  
暗皓月相迎碧嶂間

九日



三山齋集  
九日荒臺樹斜陽對遠川天青孤鳥外葉赤古橋邊  
綠髮難長駐寒花如去年親朋在漢北把酒一怱然

憶士毅

黃花白酒古琅州親友相思漢北秋京闕青雲方意  
氣可憐今日獨登丘

對菊

疎枝渾不畏輕霜百朶齊開滿砌香憐此幽芳誰與  
玩故人明月共茫茫

卽事

雖無風與雨高樹日看零柴門明落照白鳥下空庭

題金士信

允熙

齋壁

霜天日落孤鴻去古木烟平樵客迴憑欄坐見平沙  
色暝意蒼然十里來

望山下人家

誰人之宅青松下門出清川對遠野日午孤烟籬落  
疎隔林遙見觀耕者

與弟敬以鴻鴈聯句

秋天高不極

正禮

鴻鴈日南征肅肅雲中翼

敬以

蕭

蕭林外聲霜寒何處宿風急自相驚水國多矰繳  
翱翔慎勿輕

敬

三山齋集  
既望夜陪家君出溪上里中人皆至呼山字

霜落溪流潔相隨集一灣携樽坐白石隔水對青山  
鴈叫平沙外月高古杏間星河看未轉取醉莫催還

穫豆

日落柴門烟氣昏田家穫豆夜喧喧兒童笑報西峰  
白知是遙林月出痕

十八夜候月

西臺候素月林樾夕風清繁星麗樹杪淡靄與山平  
飛鳥亦已息砧杵相和鳴似與故人期恨恨多苦情  
冬夜書懷示諸友

玄天密轉移日月互出沒四時自成序草木榮且歇  
人生寄其間忽如流電掣愚人苦營營達士重名節  
生時不努力死與蜉蝣滅季冬集霜雪日夜玄冰結  
嗟哉吾黨士勉之慎莫忽

月夜送人溪上

相送清溪曲深宵月吐光星河垂古木天地有嚴霜  
駐屐憐鷗夢停杯惜鴈翔玄冬易爲感少別亦彷徨

鎮川途中

盡日驅荒野頽然倦客情忽逢官閣聳如覺馬蹄輕  
邑底風烟合春還榆柳平往年懷遠畧已厭莽蒼程

首夏

首夏槐陰滿一家開簾臥愛鷺飛斜茶鑰烟歇松扉  
靜自酌清泉澆砌花

昏投素沙

我行競落日入村見華月行人各自定歌笑紛已發  
嗟我候僕夫竚立不遑歇

天安歸路憶龍山二弟

詠歸亭上人倚樓銅雀江邊客喚舟回首龍山何處  
是一天風雨下歡州

隣舍夜酌

青燈掛壁數朋同秋雨園林有北風歲晏百憂頗頽  
洞賴君樽酒洗胷中

普光寺贈雪岑上人

老釋清宵坐禪房春雪深客來亦不語澄月到池心

山映樓上元夜

樓頭明月坐良宵強把山醪慰寂寥遙想古槐疎影  
下幾人同踏壽村橋

再遊山陽洞次席上韻

南礪經疎雨西隣有好人林花已滿洞我輩復尋春  
孟谷門應閉金池草又新從來多世故沉醉度良辰

石林夏夜次主人從舅洪公稔韻

過雨茅簷月涼風在古松誰家吹玉簫數子少塵容  
倚杖臨清沼持杯望遠峰琴師候不到悵悵二更鐘

翌夜又次諸人韻

月連前夜好風動小窓開松影依欄靜鐘聲度壑來  
諸君皆逸興病我亦深杯轉覺塵蹤遠白雲生古臺

端午楊山道中

午日都門外紅塵撲醉顏取途芳草上驅馬垂楊間  
乍喜清川渡翻愁大嶺攀僕夫搔首語雲際是楊山

還京

有路遵西麓林風時拂巾野花紛照日徑草長過人  
眼得江光迥詩成鳥語新無端又出谷奔走愧山神

成歡曉發

成歡驛舍鷄三鳴馬渡冰川碎月明野濶稀逢行客  
度天空獨與旅鴻征紅雲乍湧星初落白雪微消日  
漸生遮莫曉風寒透骨隔林遙辨酒旗橫

還家

別日花園路歸程雪擁山川原迎馬首僮僕拜林間  
歲暮慚貂弊天長伴鴈還白雲籬外度留與爾同閒

發天安

悠悠抱旅思夢短不到鄉蒼茫天安曉趁此纖月光  
雖喜積雨霽險巇苦多方崖傾畏泥滑橋圻恨川長  
馬為回首鳴人為暫彷徨借問同征客何不臥君堂  
秋雲眺稜稜俊鶻叅翱翔浮生百年內名利共奔忙

與叔輔

庶再從叔弼行

拈唐人韻共賦

慚愧無樽酒寥寥一室寒此中君得趣深夜坐能安

又拈唐人韻要和

穿林一徑在中袂每從容散步多澄沼微吟或古松  
孤鴻霜外度數舍月中春此夜懷難極清談賴子逢  
用晦翁別南軒韻贈別洪德保

大容

端居抱幽憂瀟灑度光陰窈窕石華村閉戶松檜深  
有來自城闕雪落郊原初下馬入我室共此年華徂  
情言到舊遊揮淚向青山開箱出典謨誦說何漫漫  
天機闕玉衡時事感幽州謂此甚適耳云胡不遲留  
自古惜離羣匪伊情綢繆竚立以黃昏荒途來樵謳

楚楚軒與士毅存吾

從弟履獻

聯句

落落懷交友窮巷寡叅尋  
正禮邂逅已云奇爛漫况  
如今  
士毅雪窓長對榻寒埃每聯袂  
存吾懽然一月  
會談笑間規箴  
禮初年學道願至今有餘心  
毅蹉跎  
無所成皓髮行不禁  
存中宵起撫枕感激淚橫襟  
禮

千古遺心法兢兢深淵臨毅 昕夕敢忘茲鬼神旁森  
 森存 冠紳對黃卷隻字抵千金禮 殷盤響聲牙戴經  
 理深沉毅 所憂志則退誰言力不任存 高談及理亂  
 憤慨倏交侵禮 思從擊筑飲跼踖羞青衿毅 吾儒有  
 正路是心或浸淫存 歛衽謂吾友此言真頂鉞禮 俗  
 物多齷齪塵土翳球琳毅 青雲繞京闕吾道正山林  
 敢忘顏氏樂復懷諸葛吟禮 輪困說無處已矣藏  
 牙琴毅 玄冬積霜雪萬壑絕飛禽禮 晨月照書帷寒  
 燈度鷄音毅 天機撫剝復掩卷意何深禮 窮通故無  
 端天理豈終陰毅 沉吟念聚散牢落看商參禮 終南

與八角歸意浮青岑毅 可道莽蒼別歲律忽駸駸禮  
 歸人候遠鐘滯客坐清砧毅 何以緩君驅樽醪綠可  
 斟禮 不須多惆悵春來更盍簪毅

靜觀李先生端相 延謚次主人韻代人作

九天華誥闡揚真百載休光煥若新未說高名增嶽  
 斗卽看徽典聳簪紳文章餘事猶傳世丘壑清標豈  
 少人窳是儒林加額意 重宸緬憶讀書臣

其二

末路迷方涕幾滋蕭條吾不及公時先人永託金蘭  
 好晚學能忘江漢思風躅空餘烟鎖洞襟期猶遣月

三山齋集  
涵池典刑獨喜阿孫在寄與青青歲晏枝

和寄士毅

松風吹月落簷端永夜寒齋着睡難何日親朋相見  
否殘書獨自就燈看

其二

相思忽若隔雲端風雪荒郊道路難別後寒梅花欲  
動數枝那得寄君看

其三

世路蒼茫有百端一樽佳會也知難烟松小逕橫殘  
照爾到應成畫裏看

可久堂除夕次三淵集中韻

歛笑停杯坐曉天共驚鬚髮欲蒼然相看盡道流光  
惜又度來年如去年

其二

長吟不睡對寒天無數深杯轉愴然忍想維楊雪裏  
塚明朝餅果作新年

其三

短劍猶堪倚塞天書生初意勒燕然卽今塊伏青門  
舍虛度重瞳西渡年

其四

萬事終無奈彼天不如談笑且歡然微醺起看星河  
色鐘動鷄鳴又一年

士毅入城次簡易集韻

春至苦無樂所思在漢城騎驢一夕到卜夜小齋清  
乍醉微風入高吟遠月生知君易話別佳節未能輕

朴士混

達源

別歸清州口號以贈

遙宙雲陰變惘然起別愁誰能繫客馬空欲掩書樓  
驛路春還樹銅江雪裏舟君行須自愛三日路猶脩

次簡易集韻奉別權戚丈

震應

聞說君須明發去徑來把酒永春宵晴窓講易爐烟

合華簡題詩燭影搖從古人生多聚散祇今吾道在  
漁樵可堪匹馬西歸後門柳庭松晝寂寥

夜風甚敬次三淵集韻

達夜風濤撼海門不知身在此林園未應春事仍蕭  
索何乃天心太惱煩急雪侵帷書帙冷亂雲透戶燭  
花翻寒梅一樹憐無恙且撥閒愁倒綠樽

翌日天氣晴暄又疊前韻

風雪多時只掩門今朝愛暖涉荒園偶逢隣子成談  
笑閒眺春岑散鬱煩遠樹孤烟渾澹泊游鱗浴羽共  
飛翻那能坐待林花發卽席先宜醉一樽



寄德保

今夜鳴簷雨懷君臥小廬樽餘相送酒篋有未論書  
松氣涼侵壁烟光濕滿除青燈對不睡冥坐老僧如

其二

故人棄我洛城去韓子南歸更隔宵漸覺親朋星落  
落無如病思日搖搖晴峰氣變朝憑几雪屋寒開午  
葵樵豈有珍翁來伴榻吾今空谷臥寥寥

次韻贈別韓生

聖路

藹藹門前柳千枝過雨新何曾繫客馬日日度歸人

其二

松檜沉沉曉色微小齋燈燭送將歸今宵月出何村  
宿枕上應聞旅鴈飛

其三

別路楊枝嫩欲低南歸芳草定萋萋二年積雪青門  
外千里春風滄海西征馬那能終夕駐幽禽空自盡  
情啼臨歧且喜前期近花發林園好更携

偶吟次唐詩韻

睡覺仍成臥青山當戶前池虛鳥一度松靜日高懸  
陰徑春冬雪晴林朝暮烟何妨城市近雲物秘壺天

夜訪叔輔

君來日能開愁顏我慵不報慙慢頑今宵月出看青  
峰信步偶得扣君關主人飯後曳履出一笑遙揖雙  
松間雙松鬱鬱月迢迢倚松看峰心更閒延入書齋  
燈燭光文窓窈窕爐烟環爲君高讀案頭詩酒酣意  
氣傾嵩山忽憶昔居南州時山川間之音書艱縱有  
土人與結隣豈得如今共追攀誰家搗練月輪高相  
携出門霜花斑夜深何須遠來送謝君入宿微吟還

入城

匹馬吾何事寒山日上時終成入市去定負看花期  
曉氣 陵松得春心苑柳知沉吟有所感十里未圓

詩

閔大之 百兼 挽

今代名賢後何人窳範型高門宜俊嗣妙藝自髫齡  
儀采鸞停竹詞鋒劍發硯稟精元玉石襲訓又家庭  
步武規繩正衣冠蕙萑馨居然衰末俗得見老成刑  
瑞物歸麟鳳華譽並鶴鴿機雲羞作賦靜嘿喜傳經  
昭代虛文館儒林視德星斯人還草草此理信冥冥  
射斗龍泉秘先秋錦樹零聲華餘白榜志業翳玄扃  
憶把春湖酒猶懷月柳形蘭金申契好冰玉洞襟靈  
晚暮期情素飄搖阻眼青天時驚涸洳吾道盡伶仃

三山齋集  
郢斧揮無質牙琴拊孰聽修文空說卜短簡竟憐邢  
已報埋深土長嗟滯遠垌山陽他日淚忍灑水邊亭

柳季方

義養

大夫人挽

代人所作

淑聞惟聯閣微容亦上堂重因朋好密益仰母儀光  
後事悲涼絕中年涕淚長泉臺親愛滿持此莫深傷  
卽事敬次家君韻

繁木多清風逍遙散午睡晴峰無限佳隨處宛相值  
可久堂夜酌次諸人韻

蕭然池上閣吾叔每清幽愛菊隣家送邀賓永夜留  
蟲哀寒壁底月正古樓頭曉徑須防虎言歸始欲愁

其二

信屐荷池近張燈菊院幽松疎風淅瀝庭曠月遲留  
邂逅皆青眼驩娛且黑頭隣居勤會合貧病不須愁

其三

起視寒星轉池園夜色幽偶從隣子至漫被菊花留  
爛醉窺杯面高哦倚檻頭諸公揮翰疾催迫欲生愁

其四

杪秋霜露積不厭小齋幽伴卷清燈宿分牀老菊留  
郊居聊得趣世事只搔頭薄酒能醺客相看無一愁  
上遣官賜祭于顯節祠同諸人往叅歸後諸人有

詩次韻 代人作

近侍齋 恩綍諸公有古祠山河留義烈城郭憶艱  
危胡運今猶旺人綱更孰持風泉紆 聖感要遣舊  
臣知

送通信使之日本 代人作

上价承綸泛大瀛天寒龍節背 王城陽侯避檝驚  
濤晏義仲迎帆出日明專對端應酬 聖簡壯遊况  
復荅平生蓬桑有願嗟虛負夢逐仙槎繞太清

九日登釋耒亭舊址同諸君飲酒次少陵韻

穫稻郊原秋色寬佳辰登眺一為歡含霜列畝青園

席向日高楓赤映冠野菊盈頭聊供笑村醪上面不  
知寒微吟政值松間月笑挽諸君坐共看

病裏又疊

病思搖搖常未寬窮廬秋老轉無歡癯容薄醉聊憑  
鏡亂髮新梳不耐冠廣陌煙沉霜氣重高梧葉盡月  
輪寒川原杳杳親朋隔且把殘書臥獨看

寄贈洪文哉 櫻

清州長命村去京三百里其土饒桑麻其俗賤人士  
茅屋二三椽翳然巖石裏門前陰朽柳籬下橫溝水  
吾友居其間瀟灑古冠履隣人或傍伺炊煙晚不起

三山齋集  
而能爲儒業開口談孔子絕意窺羣書邪說混朱紫  
性不喜詞章雕蟲乃末技惟此屬已事敢不誓生死  
三經及四子聖路坦如砥牙籤儼滿几曉讀窮晷晷  
有如秋虫吟天機不知止又如韶護奏五聲諧宮徵  
四十八卷文旣周還復始繞屋多田疇禾黍秋薿薿  
輸入富家場歡笑及僕婢過門爲相勞奚獨苦如此  
君始漠不應有頃但莞爾與子初相知太歲在丁巳  
蒼然樸茂態未甚見可喜十載爲隣曲漸能心腹披  
雪屋青燈懸春溪白石齒投綸命觴間子必携書史  
奧義析蠶牛疑文破亥豕斯時色敷腴意欲窮年紀

從容嘗爲言貧賤非所恥永懷親年老一子以爲倚  
所須寄微官無憂供甘旨仄聞古先正多由明經仕  
學也祿在中此義云何似且以從吾好猶勝負未耜  
聞之爲感歎言亦大有理近世業經人大不與前比  
祇能數行墨一第斯可矣欲與論其趣懵不復省視  
聖朝設科意斷知不如彼君復鞦韆然笑而我豈爲是  
先王德教遠士習日以鄙名關與利塲萬車同一軌  
稍欲見頭角譏嘲已成市况子窮鄉人乃不爲所徙  
奚論戒業深所貴志尙美祈君爲聖賢凜然起頽靡  
遂令附驥者迷塗得南指或云比年來頗爲妻兒累

三山齋集  
是實妨遠業傳言殆妄耳別來曾幾時流光如激矢  
奈何不疾驅前路故匪邇矢詩雖樸陋君子宜細揆  
石室除夕次三淵集韻  
寥落羈懷坐短更縱令沉醉也難平偶逢遠客邀聯  
枕共剪寒燈話到明骨肉分離誰敢健鬢毛蒼老各  
相驚朝來解手何年見別恨稠於春意生

其二

嗚呼歲律又看更舍弟新墳宿莽平每到空成瞻鬢  
髯一尊那得敘幽明宵筵秉燭懼誰與夕露滋庭履  
若驚臚膊荒鷄何苦急人今垂首百哀生

其三

伊來世故飽曾更每遇茲宵輒不平書劍十年心獨  
壯滄桑百變眼空明松楸鬱鬱水霜積星漢垂垂鴈  
鶩驚却怪村童多樂事喧呼直到曙光生

其四

自笑豪情逐歲更竟將何事擬生平前人永有門楣  
托聖道昭垂簡策明詞翰才低休自苦窮通時至莫  
須驚鷄鳴却喚靈臺主嘿驗澄空曠日生

其五

去年何地此宵更回首閒樓宿霧平曲室薰爐春酒

三山齋集  
暖終筵授簡曉燈明同時坐兩人誰在荒峽聞鷄夢  
自驚滾滾悲懽兼聚散少年頭上雪莖生

喜雨次少陵韻

旱魃騎何在皇天惠衆生泠泠一夜雨渠礪有新聲  
餘雲和樹暗空水上畦明直待傾三日觀瀾到北城

訪曹溪

竹杖芒鞋匏子壺春風携客訪名區蓮峰粉堞晴委  
曲柳店花庄遠有無坐久清川人或渡行穿密樹鳥  
相呼到頭未說巖泉勝一路先疑入畫圖

曹溪

日午空山殷珮聲林蹊渡盡石梯橫翻驚雪瀨襟前  
落更喜春潭屐底清掃壁誰能揮彩筆臨流吾且濯  
塵纓蒼苔古礎何年跡空見前人出世情

其二

崖上春松蔭白雲幽禽啼近傍花樽潭虛日寫魚鰕  
影湍潔風舒繡縠文從古青山連市郭百年浮世易  
朝昏懸知客散迴仙侶天樂依稀出洞聞

西平君亭子

西平亭子鎖清幽墻裏飛花逐水流幾度欲歸還更  
駐數禽聲在晚峰頭

古寺

古寺春深碧柳陰，獨將斜日遠來尋。  
山人供客無餘味，巖下清泉見佛心。

玉流洞敬次稼齋從曾祖韻

歇馬來深洞，蕭然林壑間。  
泉聲徹穹石，樹色帶晴山。  
先輩何年度靈區，半日閒南崖。  
美可憩吾欲，樹荆關。

金流洞得天字

玉洞事已窮，聖殿安在焉。  
仰面直西視，斜日透林煙。  
危磴抱山腰，走入團團天。  
壯哉金流壁，一勢謝雕鐫。  
飛泉出無際，奮怒落我前。  
燦開綺縠文，爽撥琴筑絃。

僧言夏大雨，橫亘爲長川。  
此觀可不謀，懸想猶灑然。  
朱甍隱林表，蘿葛互蔽穿。  
我來適昏黑，燈影照叅禪。  
莊嚴畫圖絢，瀟灑窓牖鮮。  
遺墟吊東林，蒼茫溫祚年。  
悅卿棲隱處，奇雲護絕巔。  
古人如流水，吾曹且聯翩。  
星河夜磊落，纖月墮楓梅。  
高踞劃長嘯，意欲招羣仙。  
冷風忽微怒，竅穴聲相傳。  
寒溜以叫號，棲鳥起屢遷。  
涼知天闕近，靜覺人境懸。  
懔然撫魂神，醉歸禪房眠。  
還至玉流洞，次士毅韻。

笑談隱隱聞，初日散青山。  
轉出層蘿外，相驚亂石間。  
臥壺添水滿，嘶馬待人閒。  
共問仙巖路，雲霞更幾關。



三山齋集  
追次士毅聖寺韻

迢迢星漢萬峰巔臥覺招提近九天怒瀑自飛明月  
裏孤雲還宿碧松前高僧行滿魔能伏遠客神清夢  
未圓勝地一宵仙分在焉知山外不經年

題畫扇

山上寒城落日津頭煙樹人家欲喚樵船急渡滿江  
無限風波

前江觀漲同俞季積

彥銖

尹伯常

著東

洪伯能

樂舜

各拈一韻輪次

浩浩來無盡危樓望轉迷平埋屯地小濶入廣津低

帆楫乘樵路魚龍舞菜畦羣仙知不遠因欲問青溪  
次伯常韻

劇雨垂垂響夜樓聯床歸客莫須愁朝來身在天河  
上極目銀濤入戶流

次季積韻

輕舟過超忽柳末對平流褰篷多少客看我坐高樓  
次伯能韻

賒取漁村濁酒杯孤帆待向月明開如今水濶魚龍  
惡隔岸親朋可得來

次伯常韻

浩浩奔流集幾川危樓如托六鰲然平分大地多應  
水遙識滄溟舊是田鷗鷺移棲依古木蛟螭逐勢上  
青天南隣有客詩爭敵可是麤豪屬少年

其二

不分簷雷學鳴川一望西南始豁然青草遙排山下  
岸黃雲斜奪陌頭田漂連木石填窮渤漲合星河灌  
大天江上老人還百慮洪流又見戊申年

十五夜德保李敬之

翼天

自石室棹小舟而來

呼天字

所謂人何在煙波正淼然扁舟當夜至晴月趁期圓

星漢褰蓬外魚龍灑墨前應須興盡散休報五更天

松都

四百年前是盛時名都尚說舊高麗山河寥落今如  
許士女嬉游已不悲滿月臺邊無古木崧陽廟下有  
荒碑譙樓日色垂垂盡畫角聲酣管理司

清香閣

名都填咽市廛埃忽得清塘滿地開更有紅亭供下  
釣可憐青嶽對含杯游魚自破浮萍出倦鳥還從垂  
柳迴好是臨流看走影行人來去莫須猜

崧陽書院

三山齋集  
泉寒木瘦共巖阿  
祠廟仍傳是故家  
聞說憂時多獨立  
荒庭無處覓名花

其二

麗代衣冠三代人  
丹青歲久凜猶新  
傳神最是階前栢  
霜後高枝轉見真

其三

東土千年免作夷  
淵源灑落接殷師  
如何一部義經裏  
今古同悲地火辭

善竹橋

泱泱田頭水百步  
聞嗚咽荒橋復何有  
古道無車轍

云何使余來重是  
侍中血四顧爲踟躕  
行復讀短褐麗政  
昔失紀天人久所絕  
乘運在真主翊戴  
皆英傑先生獨何者  
區區補天裂揮涕謝  
禪偈抗歌矢臣節  
廢興亮有命義分所  
自竭炯炯此心明  
捐生非決烈永惟君  
民學在古儷夔離  
惜哉時不祥何由見  
施設自昔喪亂際  
遭罹必聖哲湛夷在  
一身入網寄不滅  
天意信在茲志士  
莫冤結

滿月臺

馬嘶衰草裏訪古上  
層臺層臺不可上一  
上復難迴灌莽被脩  
阪飄飄疾風來陵谷  
久已遷何況池館哉

三山齋集  
舊物獨石礎埋沒半蒿萊橫縱識位置雄麗費民財  
臯門抗平直華闕標崔嵬信哉帝王居河嶽鬱盤回  
麗祖實英偉統三赫業開歷世多令德乘運出雋材  
堂堂萬年基孰云今可頽非惟 聖人出後王自庸  
才古來興廢地長使過客哀

訪瀑路中

理屐山門曉新曦散谷嵐荒蹊多抱石窪水盡名潭  
聽確依疎木看碑上絕巖朴澗行自到隨處不妨淹  
瀑布

傑壁叅天天爲低公然積水墮無倪冷風倒捲彌山  
霧晚日斜明飲海蛻潭龍瑟縮那成睡崖鶴迴翔未  
擬棲痛飲只須扶醉去休將拙語妄評題

其二

百曲靈源滌已迴飛流終訝碧虛來冥濛洞口千年  
雪噴薄潭心十月雷過客幾人留傑句化翁此地費  
全才慙歎且共山靈約更待炎天積雨開

望萬景臺絕頂日暮未上

積石峒嶢倚碧空登臨此地眼何窮孤雲晚照依依  
近那得褰衣馭谷風

寂照菴遺墟

三山齋集  
寂照舊知名携僧訪遺址繫馬城西門第屐自茲始  
危磴抱山腰盤紆脩竹裏樵蘇久已斷何況幽討士  
叢榛或胷幘斷石恐墜履不有游歷勞焉得登望美  
荒臺一舒嘯佳境信在此羣峰儼列侍萬壑瞭可指  
巍峨萬景臺負勢特雄峙天寒萬木疎石角露齒齒  
楓藤耐霜紅點綴成文綺西南眺大海眼力窮千里  
落日閃餘照天水一色紫披襟藉草飲浩歌爲之起  
頽碑不堪讀廢興多歲紀自非冥寂人誰能久居止  
陋哉此山僧營生甚俗子遂令幽絕界未保一蘭寺  
徘徊不可駐暝色生荆杞

百花潭少憩

歇馬楓厓逐礪行澄潭白石幾迴縈逢人應怪清眉  
髮羸得終朝臥水聲

逝斯亭

一曲蒼崖老飛泉不自休古人那復見落日倚虛樓

洪生僊同遊山中臨別口號

君思南土我先東逢別忽忽盡客中三日仙游應入  
夢更携明月會禪宮

別季珍翁

滿月臺前草草杯天寒旅思苦難開歸對阿郎傳信

息鄉書愁絕不須裁

臨津舟中

昨日天磨峰上遊遙看碧水入雲流晴嵐疊翠依依  
是還向臨津倚小舟

尹水原滄挽

梧陰五世範型真魁傑風流自巨人落落疎財驚薄  
俗恢恢試手活窮民通才可道緋衣貴晚契方紆  
紫綉新無祿 王廷方岳失相悲不獨在朋親

其二

抵老師門江漢思慙慙爲我故家兒停杯淚入滄桑

盡跋燭談從雪嶽遲玉塵楸枰如昨日盆花塘草又  
芳時門庭寥落孤孫少應過槐堂話此悲

陶谷拜墓

悽愴丘原氣深知昨夜霜松楸此爲別江漢永相望  
續火親教讀盤魚每賜嘗兒孫今老大流轉在他鄉

南漢山城

直謂峻嶒到碧空那知驅馬路仍通百年雉堞浮雲  
上九月人家紅樹中事去金湯還有險時清鼓角不  
勝雄枕戈亭裏輕裘將倘許臨危効赤忠

西將臺次俞興之漢禎韻

三山齋集  
隣朋相召菊花杯長劔扶吾上帥臺此地今人探勝  
至往時胡騎唱歌迴天低古壘蒼雲結日射寒城錦  
樹開安得携如滄海士金椎一擊汗峰摧

其二

四顧茫然失酒杯一天秋色赴危臺山縈峻堞嶄嶄  
出江劃平圻滾滾迴東土關防如此險西門鎖鑰至  
今開寧陵見說松千尺回首寒雲膽欲摧

顯節祠

圍城當日事蒼黃吾祖痛哭於都堂未有千年國不  
破誰言萬曆帝能忘鬼神應食奸臣肉篇翰長摧

烈士腸爲問儲胥增設備五賢祠宇半荒涼

次杜詩秋興八首韻

向晚商歌在北林江湖秋盡見蕭森哀鴻一道投雲  
際紅葉千家帶夕陰偶得朋來仍縱目真成禪定久  
忘心年華滾滾身多病拄杖移時聽遠砧

西將臺臨漢日斜清秋於此望中華書生謾擊伊吾  
劍使者還乘博望槎風悲野渡高碑碣月壯關河靜  
鼓笳隣近先公祠廟在百年心事祭黃花

洛陽城郭麗朝暉濟濟仙官拱紫微秋色樓臺相與  
起朝回鞍馬摠如飛梁鴻漢闕哀歌動甯戚齊車素

志遠珍重漁翁佳約在蘆花初白鱖魚肥  
老大朋親似散碁眼前存沒更堪悲英姿半隔丘原  
夜厚祿還慙里巷時日月驚人丹鼎晚江湖滿地素  
書遲獨憐城西病朝士肯在車騎話相思  
東韓雪嶽及楓山知與匡廬伯仲間造化經營方試  
手神仙出入此爲關秋來枕席空回夢歲暮金丹豈  
駐顏寄謝述郎相待久他時鸞鶴許同班  
無事晨興倚檻頭敗葭疎柳轉窮秋煙濤一瀉終何  
極雲鴈羣號彼底愁却下空階扶臥菊轉過沙渚起  
眠鷗忽思春漲丹丘水料理輕帆泝峽州

今秋亢旱失田功十月農夫尙野中近日朝廷推德  
澤先王民庶泣仁風畦蔬拂露朝盤碧園栗封灰  
夜銜紅隨分迂儒糊口足天寒生事詫隣翁  
寒山入戶靜逶迤玄夜星河繞漢陂三洲水落魚龍  
窟萬木天陰鳥雀枝卜居偶愜江湖樂投老偏驚節  
候移何限男兒天下事紙窓燈火鬢雙垂

九月大雷電以雨

丹袞宜無闕青臺每告災那知歲九月忽以電兼雷  
玉女胡然笑阿衡敢自才諸公應草疏坐待午門開

其二



震燁翻疑夏淋浪遂入昏同聲江捲岸得勢虎窺垣  
撫枕能無淚焚香始有魂時危一病士萬事信乾坤  
士毅來訪拈韻共賦

郊扉不厭僻佳客亦欣迎馬入疎籬迥人憑小檻清  
晚盤當嶽色暝燭入灘聲薄酒應留醉能辭野友情

其二

愛君存拙道城市罕將迎散帙床帷窄休官僕馬清  
雲翻看世態淵嘿抱雷聲真率江湖趣頻來話舊情

其三

閉戶三宵話門無一客迎談並阿連劇詩賡老杜清

急觴吞月魄哄笑破江聲祇恐明朝別難爲後夜情

崦岷店舍

青山如斂衽蒙密數家煙老屋霜匏下矮籬水稻前  
迎人忙展席秣馬苦辭錢但使年常熟民風本自然

卽事

危樓通夕望洲渚迥蒼蒼遠堞飛霞赤高帆落日黃  
有懷親友遠多病舊書荒暝坐樵謳度遙和伐木章

雪

慘慄初冬候林風日夜聞一天初下雪萬壑盡同雲  
漲合蒼煙化空明碧水分寒梅携入戶小酌發微醺

其二

高閣臨風色豪吟倚酒缸崩雲低大野繁雪落長江  
寒入藏梅室明歸點易窓朝來送宿客盡日不聞登

有懷諸友

三首

吾愛洪厓子囂塵臥巷深借書常滿架留客共分衾  
激切憂時語真誠向友心沈痾藥効未三日不通音

右屬伯能

天寒問病弟眠食近如何隣友誰頻見床書應獨哦  
杜門終養疾服藥易傷和努力跨鞍馬江軒暖日過

右屬存吾

杪秋尹夫子呼我醉其家朱筆三場草陶盆數朶花  
蹭蹬心獨壯悃悞語無華遙憐泮水曉相憶雪雲賒

右屬體健

尹勉升

有感

秋陰一以盛滌滌嘉木園榮華滋其根盛德在泉源  
不有斂養厚奚致發育繁君看閣中梅春至不再芬  
所以君子德處世若愚昏逢時一奮飛事業照乾坤

其二

晨興攬余衣仰視天宇廓衆星何睽睽太白盛芒角  
吁嗟爾太白無伴獨自行努力愛光輝哀此下土冥

三山齋集  
天高莫余聽三歎涕沾纓

其三

日暮淒風定江水正凝綠深知大冬逼日夜玄冰塞  
哀爾水府寒蛟螭焉所托出門逢漁父利斧携在握  
行將斫文鯉狼藉充炮炙天意本同仁無乃爾忤逆

其四

吾愛寒梅樹凌冬發孤芳嚴霜十月中採取入我房  
陶盆灌華液土爐扇清香護惜良已勤花心一寥落  
初寒入簾帷脉脉封素萼望厚報已眇貌冶實非真  
行被桃李笑不如斫爲薪

遊南山

步履隨秋色不知礪路深飛樓聳絕壁石梁通喬林  
日斜赤葉明愛此楓樹陰邂逅卽同志幽事欣共尋  
憑欄孤嘯發白雲凝遠岑悽飈忽橫集水石激清音  
余情有所觸悄坐久整襟誰云非絕境且得丘中心

李功甫亮天挽

謫降應星宿生來不世氛心肝元玉雪骨髓是皇墳  
學士旌前字親朋篋裏文摠爲遊戲跡超灑謝人羣

其二

供世佻兒得持身靜女爲虛舟還遇怒明月豈沾知

三山齋集  
交際朱輪絕呻吟素竹隨古來觀長者居謗理如斯

其三

緋玉來如浼句雷壓愈伸面應無食肉忠已不謀身  
黑水新經出丹霄舊趺陳傷時猶性氣密友見沾巾

其四

歷歷從遊舊文園歲月深西巖春試展南郭雨連衾  
道拙何窮達心長極古今論懷阿伯在無暇慰亡琴

金仲佑

相翊

宅小集得秋字

靜士琴書地林園雨送秋天時一以驟我輩數相求  
酒惜踰年別花憐抵雪留歸鞍應秉燭落日未言愁

李寢郎

慶甲

作打魚之會有詩索和

聞說清遊再多君宦累輕詩篇渾野趣樽酒極朋情  
未枉池邊騎空愁谷裏鷺陽春雖強和調古竟難成

與金弁

必恭

遊懿陵池上

一路嬌鶯並山行俛翠柯移筇迴碧嶂息屨面洪波  
岸柳風牽久洲花雨泛多時清閒壯士蕭散共長哦

石室書院聯句

有美滄江曲儒宮特壯夸

正禮

二州連壤界三畝落

天涯

士毅

軒豁川原曠崇深土木奢

禮

眼中饒勝槩

世外絕塵譁

毅

簾箔城浮漢堦庭水迸巴

禮

船通南

與北客湊近兼退毅夷夏尊祠廟春秋潔荔芭禮風

聲人已逃禮貌士猶嘉毅絃誦長時滿衿紳逐歲加

禮經冬曾負笈慣路豈須車毅率爾衝冰雪翩然會

弁丫禮洪濤沿浩渺古壑越谿衍毅松逕穿初出翬

薨望已呀禮村煙行處遠山日坐來斜毅息屢依寒

沼凭軒想露葩禮林迴疑佛宇門闢儼公衙毅畫壁

填雲水幽簷禁雀鴉禮中唐聯袂進往躅撫碑嗟毅

鳳曆多年紀蚪文半土花禮典刑瞻髣髴客滯絕萌

芽毅塵戶嚴初啓神筵秩有差禮千秋同血食一帷

凜烏紗毅赤焰英靈返黃圖毅節嫖禮南朝唯李子

北獄又文爺毅秦地滄溟大周天日月華禮德隣宜

配位學邃况承家毅百揆瞻紳笏羣經待櫛爬禮急

流仙不遠戚畹玉無瑕毅舊社猶雲鳥高蹤宛露葭

禮聞風心幾醉展敬手頻又毅帝甸時胡羯儒林日

黽蛙禮劫灰經丙子黨錮自黃蛇毅箱篋邦衡草金

繪博望槎禮微吟庭有樹遐矚水連沙毅月峽春生

浪雲岑晚送霞禮名區成邂逅塵慮失紛拏毅暮讀

聞咿喔寒棲喜奧窪禮村朋驚我至斗酒送人賒毅

窓跌宕抽帙爐薰繞煎茶禮篤工誠可敬薄宦豈敢

誇毅學海觀桴筏詞壇閱鼓笳禮服膺須簡策進德

在蓬麻毅名祖餘風烈童孫愧情宥禮講筵方始爾

吾道復行耶毅灑掃家仍近游洄路不遮禮世情從

此薄永矢侶魚鰕毅

次尹學士集旌閭時軸中韻

燕歌欲放劔生濤天地還容羯虜臊獨使諸賢扶世

教空將萬死博宸褒睢城有厲玄氛結滄海無人

碧浪高青史應編忠烈傳長令志士願同袍

仁元王后挽詞代人作

沒世周王慕猶瞻聖妣尊柔恭承大德窈窕

出名門儷日民爭覩崩天事忍言閔勤為丕子泮

渙屬初元五廟孤危甚羣兇震撼繁中宵哀札

降匝域喜聲喧當日元良得于今大國存賊機通

有運盛烈斂無痕晚景慈顏解終身睿孝敦徽

稱隆太母斑戲逮曾孫紫闥薰和氣青丘駐瑞

暎自應綏福履彌克秉謙溫戚里誰乘駿宮筵每却

樽花籌方普祝鸞馭奄遐騫籲絕攀穹昊悲連坼

厚坤珠襦深日月慈珮間晨昏象設雙陵並蜃儀

百隸奔器仍先寢儉貨紓小民煩尚見如傷意直

無未究恩掄揚文子述昭揭史臣論臨穴天容

慘攀輶雨淚翻抱弓餘舊物哭送倍傷魂

朝起江水益解

眠深不覺雨曉看窓櫺濕知道江水開春聲動浴鴨

其二

春風捲雪濤泛我房權碧未可試漁舟流漸大如席

訪李胤之

胤永

梅花始開主人有詩次韻

入戶梅花動應期病子來名香添藥鼎古籀出桃杯  
客榻玄陰暮仙壺暖日開幽扉須再扣終惜此宵迴

胤之又以詩來次韻以送

靜士幽棲地寥寥似梵房天時關戶密吾道擁衾長  
古壁名山畫欹瓶老菊香林暉容息屢多覺向來忙

疊來字

好在新梅樹通宵雪驟來寒應親小銜狂豈戀深杯  
海嶠神長注塵城眼未開祇須與數子歲暮往仍迴

疊房字

狹路交華轂高門對曲房天寒裘袂艷朝退珮聲長  
病枕丹丘夢書箱竺國香由來從所好不必較閒忙

再疊房字

窮陰羣物息余亦愛深房土埃鋪衾穩篝燈誦易長  
江梅句夢思壁月會心香難了惟詩債翻成靜裏忙

三疊房字

三山齋集  
雪裏罕人事孤清掩小房  
枯槩收殺活大易玩消長  
地轉潛雷響花回古榦香  
陽春行不遠君子未渠忙

再疊來字

暮出無誰語祇應與我來  
簾霜圓結繡簷月細窺杯  
久客寒燈守長懷古帙開  
終宵悔鞍馬虛放二難迴

三疊來字

夫子詩情妙應從陶謝來  
希文包製錦淡水貯匏杯  
古籀彝盤出新圖海嶽開  
他時要墨蹟亂灑百縑迴  
胤之又寄二詩索和

城寒易暮色宮樹迥隴隴  
宿雪霾煙碧歸禽曳日紅

江湖無動物天地有成功  
感歎窮廬士白頭宛稚蒙

其二

少年學詞賦初亦慕功名  
漸看雲塗隘仍知世界輕  
漢陂書屋小丹峽釣磯清  
一水沿洄計扁舟幾日成

四疊來字

晨興念夜雨泥滑有誰來  
臆旭冰銷硯茶煙露結杯  
倦憑書帙臥閒把藥囊開  
頗恠煩襟盡前宵訪隱迴

四疊房字

風行列禦寇壺隱費長房  
城市隨緣暫雲林托夢長  
歸鴻燈外急叢桂月邊香  
朝來風雪惡拂衣可道忙



三山齋集  
疊隴字

雨窓終日夢雲水與朦朧紙幌虛通白香鑪靜駐紅  
怡神觀象戲妨疾減書功祇恐兒曹效深乖聖養蒙  
疊名字

高賢豈絕世要不愛榮名賣藥城闈近看雲冕紱輕  
詩篇聊爾俗鬚髮使人清我欲從之隱金丹許共成

再疊隴字

東湖今夜月煙瀨浩腫朧雪憶書樓爽燈知釣艇紅  
思親多亂夢爲客少真功旅榻殘年計隨身有啓蒙

再疊名字

鐘動街如洗千家夢利名梧庭人影小銀渚鴈飛輕  
大地於斯靜寥天一得清朝來難了事錐末競虧成

三疊名字

晚食庭中步疎星稍可名歸雲將鳥盡流月向人輕  
密室復堪息寒燈聊自清有懷西郭隱孤夢此間成

三疊隴字

孤懷倏不樂天醉壹朦朧長積星軺黑中原火獵紅  
寧王鳴甲志芭老枕戈功此事吾猶述堪悲小子蒙

四疊名字

麟臺有繪像藝苑亦蜚名自古論脩促於吾未重輕

春風顏巷暖夜月邵窩清愧汝無奇志誰言學不成

四疊隴宇

晨窓抽古帙細字半朦朧道術違心素年華損頰紅  
爲農終不餒千策晚何功多謝仙壺子新詩解牖蒙

贈別姜季昇

鼎煥

從師千里共諸生三伏炎蒸屋數楹每有巖間棲定  
鶴夜深飛舞讀書聲

其二

槐花時節萬人忙銅雀囂塵不可當獨有武夷山下  
客一鞭歸臥舞壇涼

洪克之

樂真

來留石室書院半月而後告歸臨

行出詩索和步韻爲別

江上秋山繞畫屏薄雲寒籟澹園亭數君步履還遙  
院九日花枝也小庭沙岸楓松留急景野盤饒菓發  
微馨此中未話明朝別叵耐哀鴻叫晚汀

次韻贈別黃永叟

胤錫

江漢秋多鴈遊人始憶家登舟此風浪分袂卽天涯  
客路生圓月離亭駐晚花心期如可保何必詠同車  
湖南三賢來留院中臨別書贈

聽說江南勝秋來樂有餘家園收橘柚海岸拾鰕魚

三山齋集  
道拙甘衣褐時危羨卜居晨窓聞過鴈一一向青徐

贈金生天衢

兩世登壇號郡君祇今淪落爲清門耕桑鍾鼎渾餘  
事忠孝傳家是令孫

其二

月山南望路千重吾祖離騷作此中海國秋來稻蟹  
好他時匹馬逐歸鴻

病中次友人韻

百轉簷間雀晴曦滿屋東擁衾恰旬日開戶好春風  
幽獨只能懶謳吟那復工因觀湖上作歸意浩難窮

其二

九陌融殘雪層城散彩霞輕寒不禁柳小雨又催花  
滿目傷人事狂歌荅物華芳辰勤取樂白日莫教斜

陪家君及櫟泉宋叔

明欽

遊俗離山夜宿福泉

菴謹次宋叔韻

幸有名區供勝遊雙臨杖屨萬峰頭暫拋朱墨來清  
曉恰值霜楓駐晚秋日落松嵐沉遠岫夜闌篝火在  
深樓此中正發乘桴歎列侍何人是仲由

稽山小集

棠菱歌惟舊干旄事又今招呼爲雅集談笑見同心

三山齋集  
酒憶燈前醉詩傳馬上吟茲鄉留勝躅日月後人尋

除夜與諸友飲酒

今夜稽山館孤懷殊未開偶成同志會俱自異鄉來  
冉冉天星轉騰騰儼鼓催流光有如此童子莫停杯

鄭南爲

東翼

李明叟

敏哲

有詩求和却寄

稽山一夜雨綠遍溪邊柳何用慰君愁半壺新熟酒

其二

衙罷澹無營鳥啼墻角柳何由致上客共瀉花間酒  
兩賢勉余以學政用見寄韻爲別兼道愧謝之意

此地相逢眼倍明德言多少荷提醒他時更解徐公  
榻倘有絃歌滿武城

草江觀梨花書示金欽哉

勳

大草湖邊千樹梨家家花發映疎籬一年一至狂歡  
去留與稽人喚習池

題韓重文

思愈

雲山書屋用軸中韻

滄浪一曲釣竿收門掩荒山碧澗流讀遍床書人不  
識白雲飛舞萬峰頭

訪李景俞

濟翔

山居次主人韻

籬落蕭然麥隴傍山蔬供客滿盤香世間榮落何須

三山齋集  
說只有林居韻味長

宗老僉知

天行

過余稽山有詩要和

壯心不與鬢俱化人事紛紛閱代謝快嚼冰瓜談海  
山能令坐客忘朱夏

登水晶峰

籃輿迢遞度深松山氣蕭森見孟冬莫道登臨還暮  
色何人看月水晶峰

余宰報恩時陪家君及櫟泉宋叔宿福泉菴今  
爲八年而宋叔已下世矣感而賦之

三入靈區鬢已華山僧不識舊官家福泉菴裏橫經

處篔簹水依然晚響多

和陶詩三篇酬金季潤

相肅

穆穆良辰陰陰山雨我馬悠悠于澗之阻念彼幽人  
床琴獨撫披帷而笑勞矣延佇

我踰插嶺零雨其濛我陞自階浩如翻江中堂懸燭  
流雲入窓厭厭宵飲飫及僕從

超超我友遺外世榮偶寄縣紱丘壑是情逝將振袂  
與子偕征同心之言吐我平生

旣雨以霽濯濯庭柯溪山掩映雲日澄和爰有寒泉  
花木孔多駕言同遊其樂如何

右山雨和停雲

三山齋集  
溶溶谷嵐媚茲晴朝薄言幽尋已欣芳郊白水滿地  
青嶂列霄嘉彼農夫浩歌灌苗

遵彼清漪我纓旣濯雲壁亭亭延我遐矚晤言在茲  
與日俱足有鳥嚶嚶亦樂其樂

豈其風浴必魯之沂我有好襟聊與同歸章成共咏  
觴至卽揮良辰冉冉孰云可追

懷哉芭翁於焉結廬我求遺躅雲木窅如安得誅茅  
托茲方壺高山之詩三復感余

右谷嵐和時運

菀彼嘉樹布陰于茲適見滿地顧而失之大化密運  
百物趨時終朝掩書慨其思而

菀彼嘉樹花落辭根雖傷今凋春至更存人生去去  
如旅出門不朽有道惟德之敦

顏氏如愚甘彼巷陋子夏戰勝顏貌改舊珮玉匪華  
結駟匪富五十無聞余是用疚

先民有言臨淵恐墜持茲遺體孰敢不畏如途千里  
我無良驥勉勉我友提挈以至

右嘉樹和榮木

和陶詩贈族祖長沙公韻又酬金季潤

渾渾斯人誰親誰疎賢愚殊趨友道伊初我有長懷  
感此年徂同心難遇顧影躊躇

昔余遨嬉水晶之堂覽子墨跡驚若圭璋忽忽存亡

三山齋集  
有鬢如霜不意南陬爰接清光

孔樂新知韻味攸同雲松一岡我西子東有如元白  
蘇杭隔江新詩朝驚尺牘宵通

尊俎之懽喟爾成言愧茲斗祿羨彼名山始悟昔賢  
賦歸飄然此願甚真君我誰先

自白馬江舟下鏡湖夜宿八卦亭金斯文季說

相丁携酒來話呼韻共賦

吹笛江湖濶孤亭勢欲飛天風收繫纜巖月照披衣  
地老松篁大時危道術微隔林遺廟在三歎願同歸

沈一之定鎮新宅與諸友共賦

青山入疎籬霽日滿高軒靜士莞篔簹潔床有羲文言  
親友爲君集欣瞻棟宇尊中庭列鞍馬內舍出杯樽  
酒酣歌頌發古義競相敦憐君身計拙老大無田園  
棲棲驪漢間無處覓桃源漂搖風中花歲暮還故根  
佳哉洛城東風流自古論里閨多舊顏墳篋叶弟昆  
環堵信蕭瑟經綸頗復存移荷擬鑿沼傍柳將設門  
時輸太倉米炊烟驚隣村况有階庭物問字任啾喧  
此中有真樂可以永晨昏病子江湖迥別來勞夢魂  
晚契須鷗鷺前言能不諛

李僉正仲玉珪鎮用水湖帖韻有詩要和

三山齋集  
留客庭槐每覆鞍沙洲門巷未全寒青氈有業多新  
什白首隨緣作小官北里滄桑千劫轉東湖冰月幾  
回團籬邊正漲桃花水一棹能來續舊歡

長溪君棟挽

三朝恩遇篤周親鶴立班聯見貴人皓髮猶存薑桂  
性朱軒自視水雲身安平淡草屏風古躑躅高花院  
落春每許郎官攀嘯詠祇今回首已前塵

金水亭

翠壁遙看麗危欄出樹間溪山此迴合歧路暫躋攀  
草綠迷平野花明照淺灣仙翁不相待悵悵下雲關

歇惺樓敬次清陰祖考板上韻

危樓悄對雪峰明脚底風微萬壑聲一雨應添瀑布  
大朝來理屐弄新晴

宿正陽寺雨無霽意戲次金天季一默韻

匹馬尋靈境東來路半千如何臨眺處坐我混沌天

雨後登歇惺樓

雨後高樓望羣峰何所似亭亭白芙蓉洗出秋潭水  
天季與李君德哉上毗盧余未能從

奇遊獨許少年爲落日香城倚杖時爲報羣仙莫悵  
悵海天明月又前期



登萬景臺見曾祖考日記嘗題名此處而今不可求矣

吾祖曾遊地荒臺閱幾秋剛風松檜短晴日海山稠  
蘿逕行應遍苔巖字不留無人問往跡笙鶴晚悠悠  
鉢淵歸路得佳處小憩

籃輿轉出萬松幽坐愛飛花泛綠流悵悵暮禽啼送  
客彩雲一朵幾回頭

彩雲峯名

### 玉流洞

越壑穿林問幾重洞門開處駐遊筇貪看石上流離  
水幾失雲間縹緲峰

### 叢石亭次天季韻

地盡通州北滄溟馬首來吾將窺大壑天故設危臺  
浩劫經來石神仙坐處苔何由驂白鶴遍踏十洲迴

### 又賦

誰將積石擬天傾刻削應經鬼斧成插入厚坤誰敢  
拔噴來高浪謾相爭四仙遠矣瑤花老獨鶴寥然雲  
水平遠客孤舟當落日不知何處問蓬瀛

### 泛海訪金襴窟

叢石亭前海色高帆風拂拂滿輕袍金襴勝賞還餘  
事自倚豪情駕碧濤

洛山寺

十日行吟大海邊  
洛山寺外更無天  
年來漸覺區中隘  
便欲乘風訪列仙

鏡浦臺謹次止菴從叔父韻奉贈江陵府伯族  
任魯淳

名區一日抵三秋  
湖海奇觀此檻頭  
人物宜經栗翁出  
鸞笙尙說永郎遊  
天晴遠樹濃相映  
波暖輕鷗澹不愁  
爲語吾宗賢太守  
承明未必勝斯州

又次天季韻

長堤十里抱危臺  
海色湖光表裏開  
白鷗問汝何爲

者隨意烟波飛去來

德哉自原州先歸臨別書贈

老去猶孤興相隨  
喜有君聯翩三匹馬  
出入萬重雲絕巘  
扶危屢荒村護病勤  
那堪歧路別啼鳥  
雨中聞

洪僉知章漢挽

海上聞公遽返真  
那堪先友日凋淪  
孤生白首追陳跡  
稽館逢迎也勝辰

其二

常持盃酒懶簪纓  
倚醉歌呼萬事輕  
末路訾嗷足兒輩  
向時追逐盡豪英

其三

游戲風埃數轉官丹旌寫出夕陽寒如今瑣瑣論榮  
悴只好雲間拍手看

其四

伏枕荒江積雨晨城西車馬遠傷神白鬚紅頰思如  
昨可惜青山葬古人

盈德清心樓

海上孤城夕照橫朱欄影落半江明南樓勝賞何須  
較且倚金樽臥水聲時余宰密陽有以此樓與密陽  
之嶺南樓論其優劣者故云  
余既罷官即發海上之行路中有賦

解組身始輕揚鞭氣彌豪仙人東海上呼我與遊遨  
沒雲名更奇宿昔夢魂勞靡靡轉長薄曠然觀春濤  
時物亦已芳汀花照我袍慨彼寰中客得喪競秋毫  
揮手謝之去浩歌白雲高

沒雲臺觀日出

多大浦前地已窮誰知有路入鴻濛長風萬里吹衰  
鬢臥看扶桑出日紅

謹次內舅洪公梓寄示韻

茲鄉樂事記童時每度槐橋駐蓋遲從舅池塘好花  
樹諸公樽酒幾篇詩即看閭井多新面惟有巖泉似

三山齋集  
舊知南極一星無蚤暮願言瞻挹慰調飢

又次軸中韻呈內舅

退老田廬好兒孫亦滿前提携花外徑流覽柳邊川  
翰墨酬長日軒裳付少年紛紛浮世事回首祇堪憐

羅斯文叔章

重晦

惠然遠訪袖出一詩屬意甚

勤因次其韻以謝之

好是晴暄四月時睡餘官閣日遲遲庭前槐樹已繁  
蔭墻外薇花尙數枝匹馬遙嘶驚好友一樽清對話  
離思棲棲縣邑非吾樂爲問山人知不知

月夜步出南石橋

吹角千街靜庭槐月上時聊持一壺出還有數君隨  
野樹籠烟迥灘流近曉悲感嘆三節士罵賊死於斯

舍人巖

巖臺千仞削瑤瓊下有溪流清可舩絕頂定愁玄鶴  
翅遙空疑有玉簫聲舍人已作三清客處士仍留半  
壁亭悵悵一杯還獨舉白雲紅樹揔關情

舟下龜潭

濃霜一夜醉丹楓萬壑千崖錦繡同踏遍朱陵高下  
洞衣巾又拂大江風

又賦

三山齋集

卷一 詩

四十六

三山齋集  
闔闢千峰起縈迴一水通舟行明鏡上人入錦屏中  
岸幘看危壁停橈倚好楓龜潭知己近秀色滿晴空

龜潭

峽束江奔兩不讓舟行屈折隨所向南崖北壁遞隱  
見歷亂有如風燈轉僊臺之下波浪濶篙師酌酒高  
歌發長淮繫纜老楓根鷄犬僂然秦人村壯哉神仙  
出入關削鐵凜凜霄漢間蒼松翠栝不得生太始霜  
雪寒崢嶸蛟龍守護深窟宅積陰冲融雷雨蓄東韓  
有此龜潭奇昔聞其名今見之持杯不敢恣歡呼肅  
然坐我嚴師隅安得霜綃一百匹呼來顧陸奮神筆

携歸掛我秋水堂起居飲食於其傍

歸自丹丘鄭元美

趾煥

以二律見寄求和

老去爲州豈宿心愧君中歲懶纓簪十年逢別兒孫  
大一壑耕漁雲水深酒熟黃花仍滿手歌成白鳥或  
知音滄江九月柴門掩臥聽寒蛟永夜吟

其二

朝起看山思遠遊任教簿牒積如丘提携數客青藜  
杖出入千峰錦樹秋可說乘鳧歸葉縣還嫌騎鶴上  
揚州官門咫尺秋濤水夜夜鄉心月下舟

酬沈景洛

淳希

三山齋集  
解紱歸來臥碧山十年欣對故人顏如今更結漁樵  
社莫惜慇懃數往還

謁四忠祠

忍見寅年又一周當時孩子雪盈頭可憐百折祠前  
水長抱 神京日夜流

沈一之携酒來訪歸以一詩見寄謹次其韻爲

謝

偃偃冥塗我孰師窮廬獨臥歲寒時故人尺牘頻存  
問先子遺編共抱持積雪江干嘶馬迥五更燈下過  
鴻悲瓊章三復徒增涕那有微工荅厚知

寧陵令李公阻風留話誦其舟中作一篇輒次其

韻

夜來風雨太無端坐惜芳菲凋好顏故人扁舟未可  
放開軒共眺江上山人老去勤會合或持杯酒水  
石間君今欲歸爲何事世故紛紛渾是閑

戲示西隣俞君

漢順

漢江三月綠如油無數垂楊拂遠洲借問巖間持釣  
者何如散髮倚高樓

和寄柳汝思

知養

人事足憂患天涯傷夢魂那期關外客重到雪中村

風樹餘殘設門墻憶舊恩燈前看醉墨流淚半成痕

偶吟

楓陰終日滿簾柳絮隨風入戶讀遍床書一嘆遙遙

我思千古

羅叔章訪余泮湖之上留四月而後歸間出一

詩求和臨別書此聊見相勉之意

憐子不諧世荒江遠見求終持松栢性恥作稻粱謀  
委命安窮老循身遠悔尤歸歟錦溪曲努力理春疇

和寄汝思

江湖歲云暮寥落掩門初藥裹供多病梅枝伴索居

有懷林下韻欣把燭前書更讀鷄鳴什終宵意惕如

其二

退士芟荷服天寒喜遂初丘園仍邑里芝菊卽仙居  
舊篋霜臺草明窓孔氏書承家又麟子毛質近何如

其三

積雪埋川陸微陽亦復初天時看互斂吾道在端居  
聖世容微物窮廬有舊書故人勤問訊身事定僧如

謹賡 御製書筵志喜韻

聖祖開筵適五齡重陽令節返堯蓂 青宮繼述於

斯盛黃菊花邊又孝經

祇受 東宮賜曆又用前韻

野外惟知祝 睿齡欣瞻渥澤抱新莫 銅樓漸喜  
春暉永幾箇英僚共執經

謹賡 御製韻題 內賜褒忠綸音卷後

聖祖龍飛赫業新天回前甲又昌辰孱孫此日誰無  
淚字字 恩言念舊臣

其二

史官傳 命寵光新緇帙遙頌自 北辰敢道 天  
恩私一物深知千載勸為臣

詠梅

落落明珠綴五三老梅作蘂不能貪憐渠未是風流  
相宜向山家伴槁淡

詠松

側生沙岸倚楓支雪壓虬柯到地垂豈有壯心扶大  
廈也堪相對歲寒時

文孝世子輓詞 不呈

克嶷周人頌重輪漢代祥 冲年開震邸率土仰  
离光自有休徵炳方看寶籙昌無憂我聖 上貽燕  
日煌煌

其二



三山齋集  
盛事 明陵後黃花拂 講筵身章玄袞服家學孝  
經篇天運回堯曆人心戴啓賢滿庭同歌舞歌詠八  
方傳

其三

翼日瘳咸喜胡然事至斯徒聞百靈衛竟使萬人噫  
社稷堪流涕穹蒼果有知 龍樓難曉寢陳慰欲何  
辭

其四

孝德含飴際文思學語前嬉游親汗簡愉悅荷 慈  
天 美謚朝廷獻 哀綸日月懸掄揚斯不憾無祿

倍悽然

其五

滯跡江湖迥 銅闈夢裏攀華人空有祝緱鶴竟無  
還舊篋端陽扇虛銜侍講班惟將萬行淚霑灑向秋  
山

送汝思之官北青

病枕聞君向北州朔雲千里夢悠悠到處 君恩何  
以荅也應儒化遍荒陬

同沈君靜能 公定 乘舟尋銀石寺靜能有詩和  
之

三山齋集  
野友扁舟載酒來  
清秋呼我泛湖回  
爲憐蕭寺懸林表  
更喚籃輿度澗隈  
病肺猶成今日醉  
揮毫却怕少年才  
歸來依舊柴門掩  
獨把殘書映雪開

莊獻世子遷園挽詞

不呈

前和出世萬人環  
緱嶺如迎鶴駕還  
咫尺神京江漢路  
不堪仙蹕又寒山

其二

葱葱佳氣隋城原  
天作名山自古云  
鬼秘神慳知有待  
今來葬我舊儲君

其三

逝水悠悠卅載忙  
真遊杳邈白雲鄉  
篤生聖子承宗統  
光啓東方赫業昌

其四

吾王聖孝盡人倫  
禮制宮園有屈伸  
十載經營安厝事  
絲綸悽切泣臣民

其五

崇岡象設萬夫功  
日吉辰良禮有終  
庶慰邦人祈望切  
絲瓜詩什又吾東

三山齋集卷之一

三山齋集卷之二目錄

疏

辭持平 經筵官疏

辭贊善疏

東宮冊禮時未赴 召命引罪疏

別諭後辭免疏

再疏

乙巳歲首 別諭後辭免疏

丙午歲首 別諭後辭免疏

再疏

王世子喪未赴哭班引罪疏

辭祭酒疏

再疏

請免遷 園時挽章製述仍辭職疏

辭工曹叅議兼祭酒疏

書啓

史官傳 批因賜褒忠綸音後書啓

議

永禧殿雨漏處修改時 移還安當行與否議

因朴一源所懷 廟樂祀典改仍當否議

大殿爲 王世子服制議

公除後私家行祭當否議

惠慶宮爲 王世子服制議

因大司諫李崇祐疏 王世子服制中白皮靴

追改當否議

王世子喪公除後 太廟大祭用樂當否議

王大妃殿總制盡後祭服收藏之節議

再議

魂宮 親祭 神主降座及上香時坐立當否議

神輦過 太廟時低擔當否議

文孝世子小祥後 親臨 魂宮墓所時服色議

三山齋集卷之二

疏

辭持平 經筵官疏 甲辰閏三月

新授通訓大夫行司憲府持平 經筵官臣金履安  
誠惶誠恐頓首頓首謹百拜上言于 主上殿下伏  
以天祐 宗祊 元子宮衣尺寢長禮行相見休聞  
日彰太平萬世之業其基於此臣與村翁野老蹈舞  
田間竊不勝愛戴忻祝之至乃於茲者伏奉今月初  
一日 除書以臣爲 經筵官纔過二日又以臣爲  
司憲府持平 恩旨絡繹寵光赫然臣驚惶赧汗疑

三山齋集  
若夢寐數日之間魂神未定又忽伏奉承政院成貼  
有旨煌煌四百餘字首言臣先父爲春邸時贊  
善深以未回還心爲恨旣又歷舉臣三世四祖并侈  
袞褒意臣或有家庭聞見責以休戚之義而若將擬  
之於胄筵輔導之事至以乃祖之孫乃父之子必  
倍延頸之誠爲教仍令取近登途恩言惻怛屬  
意隆重臣伏讀未竟感淚先迸誠不自知螻蟻下臣  
何以得此於吾君糜身粉骨不足以仰酬萬一而  
至若所以慰藉臣稱謂臣者則萬萬非糞土賤品所  
敢承當是殆議薦之地有以誤聖聰而偶致遺照

耳臣請自暴其不稱之實而退伏違傲之誅惟聖  
明垂察焉臣聞經筵峻望也臺閣重寄也拔之格  
外其選尤嚴歷觀前古之膺是選者則其爲職可知  
也臣本庸姿志氣卑下少小願慕不越乎榮名利祿  
之間半生公車才短不售遂乃甘心吏役奔走燥濕  
老不知休直至抵罪而後已跡其終始不過如斯是  
安有一日反身之工以述父祖之餘業而比數當世  
之儒林哉臣於往歲待罪桂坊數次登筵醜拙畢  
露日月之明宜無所不燭而伊來十年疾病勞碌  
形骸外朽神識內消並與前日口耳掇拾之陋而忘

失已久兀然爲沒字人衆目所覩焉敢諱也今以如此之人驟然加之以如彼之職卽臣之妻孥僮僕已知其僭猥可笑如是而又敢貪榮冒進抗顏 清朝則真小人而無忌憚者耳臣何忍焉雖以朝家事言之今茲抄選之命卽我 殿下登極後一初之盛舉也風聲所暨中外拭目以觀惟新之化正宜博求經行卓異之士或置 講席或列言路以責其啓沃諫諍之功而彰 聖上崇儒右文之效也乃以如臣者苟充其間首勤招徠之典沮四方想望之情來百代譏議之口其爲 聖世之累何如也然則臣雖欲自

棄廉愧一伸趨走之恭又可得乎至於 聖諭中末端辭旨又有出於今茲所叨之外者臣於此愴怛震越莫知所以爲對而若論其揀遴之宜慎則尤倍他任一有不審而或及於妄庸無益輔導之實反啓冲年輕士之心則豈不尤可懼也以 殿下之明聖非不察此而特以臣家世願忠欲其自效有此勤懇之 教惟茲至意臣豈不仰體而其奈非其人何哉嗚呼君臣之義無所逃於天地之間幸逢盛際化理清明遵 列朝之令章軫貽燕之鴻謨側席求賢如恐不及雖在物外遐邇之流且不得自遂其高而願

立乎朝况臣名忝仕籍處身有素東西南北惟令之  
從今於 恩命之下苟有一分可堪何敢飾辭曉曉  
忽為山林偃蹇之態以自干於有司之法乎誠以內  
循私分外嚴名器終不敢以此不肖仰欺 天日厭  
然為承膺之計臣情到此其亦憾矣虞人之守聖人  
有取如臣至懇宜蒙體諒伏願 聖慈特賜哀憐亟  
許鑄削臣前後職名永斷收召之舉仍治臣辜 恩  
慢命之罪以靖私義以肅朝綱不勝幸甚臣無任戰  
恐祈懇之至

答曰省疏具悉才下敷心之諭方企登途之舉退心  
莫迥異曠隨至由予誠淺良用瞿然噫今予招延豈

為觀瞻誠以經筵胄筵討論開發之功期望于爾者  
深且切焉爾何不念及於此而不之肯顧勞予虛佇  
乎惟爾經術識解自在桂坊時知之已熟每臨講席  
輒勤發問爾想必記有之矣爾須念君臣之大義勿  
復多讓幡然造朝  
以副予如渴之望

辭贊善疏 七月

伏以 宗社默佑景祿川至 王世子邸下誕受位  
號封冊涓吉 聖孝永念於積慶縟儀將舉於致隆  
盛美稠疊神人胥喜區區并蹈曷有其極仍伏念臣  
以蔭途之賤品冒儒林之峻選所被職名萬不敢當  
冒死祈免反辱 隆批恩言懇摯獎飭采勤惶隕失  
圖靡所容措間因相臣所奏至有長吏敦勸之舉顧



三山齋集  
以株守難改既無以仰承 德意塵瀆爲懼又不敢  
申暴血懇徊徨泯默惟鈇鉞是俟乃蒙 聖慈曲賜  
寬假威罰不加 恩除復降掌憲春坊 寵命赫然  
此已不勝萬萬悚蹙而繼於今日十一日之夜史官  
臨門賚宣 聖諭以臣擢拜通政大夫 世子贊善  
促令造朝 辭旨溫諄委寄隆重若將見待以山林  
宿德之流臣於是恟怛震駭四體投地莫知何以致  
此也顧臣無似之實已悉前章今不敢復事覲縷而  
正使臣粗比恒人自忝選牘今不過百餘日耳其間  
所叨三四官銜無非僥濫有罪宜誅無勞可紀公然

躡取下大夫之秩已無其理况此官者其地望之最  
峻職任之至重實自古名賢所共逡巡而不居擬之  
於臣豈復近似惟我 殿下爲 世子一念眷眷務  
盡早教之方旣爲之廣選賓僚秩然備位而猶以爲  
未也蒐羅之典旁及草野畀之以輔導成就之責此  
實 宗國萬年之至計而非出於一時賁飾也明矣  
夫如是則古所謂天下第一等人雖不易求亦宜得  
有德有文望實俱隆之士以處其位而今以加之於  
臣不惟加之而且使之爲首臣之陋劣以才學則至  
空疎也以踐歷則至卑猥也錢穀簿書嘗習其事矣

三山齋集  
至於陳說德義闡明經傳以贊我 儲君冲年養正之功者豈臣之所能哉此而冒膺臣身廉愧姑置勿言其上累 聖朝簡拔之明下誤 冑筵勸講之重實非細故臣安敢爲此况臣從前自引非有他說只是不敢當三字耳方在下位猶且如此及叨顯秩乃忽揚揚則是臣謬爲辭遜索價微寵以圖一身之榮利也縱臣不至此其何以自解於衆口哉此又臣之決不容抗顏者而至若 中批特授有違常格則在臣猶屬餘事未暇於深論耳嗚呼臣雖無狀家本世祿忠孝之說聞之熟矣每誦春間所蒙 別諭有曰

爾父爲予春邸時贊善而卒之以 冑筵輔翊之說寸衷益激自不勝三復流淚而今當 聖子陞儲之日臣之不肖復蹈先父之宿趼俯仰家國若有不偶然者其欲追先父當日之志以自効於 聖世者寧有極哉祇以難進之義如上所陳匹夫之辭受雖微國家之四維至重有不敢夤緣放倒者願忠雖切而圖報無地臣之此情鬼神臨之矣且臣受氣最薄多病早衰今年六十三視昏聽重行步絕艱癯然爲廢物久矣今夏毒熱又經死疾形神俱脫殆有垂盡之危雖使臣無他所拘卽此病狀已不堪蠢動天之

所廢謂之何哉臣之經筵一銜所關尤重而尚未  
蒙改正便作野外虛帶之物此實臣徒知嚴畏不能  
力辭之罪也茲并仰籲於 黈纁之下伏乞 聖明  
特賜憐察亟將臣所帶兩任及新授資級盡行鐫免  
仍 命刊去選籍勿復收召俾臣得以優遊田里歌  
詠 聖澤以卒餘年不勝至願臣無任屏營祈懇之  
至

答曰省疏具悉爾懇三代教儲之法必先擇宿儒正  
士置諸左右保傅傳所謂孝悌博聞有道德者是也  
雖以我國朝事言之春桂坊非不選當世文學才彥  
之人而又置贊善進善諮議等官以待士林者蓋做  
三代遺規也爾之父即予贊善也爾今繼爾父而為  
元良贊善若論世好不讓於宋之王朝父子爾之心

亦豈不欲登明離之筵觀岐嶷之容而一向澆澆只  
事辭異而已乎顧今封典將舉縉儀隔日師傳僚屬  
咸造在廷而惟爾士林數人不至由予誠淺良切瞿  
然而其在爾世祿之義寧學隱遜者流高飛遐舉而  
不肯惠然來思乎元良知慮日開步語月就蒙養以  
正此其時也輔導之責捨爾伊誰爾以棲遲蔭路每  
作必辭之端而在昔名儒非特從蔭路進亦多有科  
目出身而未嘗以此自視歎然則爾所為言予則曰  
過矣一論再諭罄竭予懷爾須體予至意亟  
斷來章即日登途趁大禮來參訓迪我元良

東宮冊禮時未赴 召命引罪疏 八月

伏以日吉辰良 王世子邸下冊禮順成 廟社增  
重邦基永奠八域含生普切歡忭願臣備數宮官義  
分尤別形格勢禁終不得致身 銅龍之下與覩斯  
慶獨與田父野老北望 京闕遙致攢祝而止私懷

三山齋集  
耿結固不待言而論其罪負又豈逃於三尺之嚴哉  
夫以臣至庸極陋百無可取而 殿下拔之於常調  
之中寵以尊官加以殊禮微末去就輒軫 宸衷親  
發絲綸慰 諭而招徠之者凡幾遭矣若乃月前  
恩批首尾累百言其所以開示 聖意曉誘愚迷者  
委曲周至迥異常倫至引宋朝王家事以况臣父子  
則此又我 聖上不忘舊臣施及其孤之 盛德至  
仁也嗚呼爲人臣子受知如此蒙 恩如此赴湯蹈  
火尙安所辭况使之登 明離之筵觀 岐嶷之容  
周旋禮事得伸其延頸之誠此何等曠古難逢之至

榮大願而乃臣冥迷頑傲不知變動致使賓僚咸造  
之地未免有缺員而懇懇敷心之 天札便如委之  
於草莽盖臣從前積逋已不勝誅而至此而益無以  
自贖矣雖其區區微諒竊附於虞人不敢往之義而  
癢老危喘又莫能自力究其情實容有可說然朝廷  
大體豈宜每加曲貸不施以當施之法也况今 雷  
肆新闢 睿思漸開文字誦說雖且有待其左右引  
翼薰陶啓發以其他日少成若性之功者正在此時  
則侍講官銜尤不容一日虛糜任其癯廢也審矣凡  
茲事理謂宜早蒙 處分恭俟多時未有所聞惶悶

之極無地措身不得不冒死自列於宸嚴之下伏願殿下明詔有司亟降威罰以正臣負恩慢命之罪萬一天慈哀其愚昧謂不足深誅則姑先收還職名俾重任無曠微分粗安亦公私之幸也臣無任惶懼懇迫之至

答曰省疏具悉爾懇多少俱在別諭見可悉之此不更煩切冀亟回還心斯速登途用副至意

別諭後辭免疏 九月

伏以於戲惟我先大王五紀邅隆之治肇自此歲天星周復聖孝增愴拜殿臨門渙發德音圖所以率勵臣工繼述志事而爰推感慕之餘懷

念及翊戴之舊臣褒忠獎節無幽不闡以大新一世之耳目永樹百代之風聲甚盛舉也於是臣所生曾祖忠獻公臣昌集首被賜祭之榮臣從叔父贈叅判臣省行至膺旌閭之典以臣為其後人特遣承宣齋批與諭示以思見之意而俾即登途臣於病伏昏昏之中忽聞此事顛倒受命恟恟涕泣久不能自定既又竊得伊時綸音而伏讀之其所以慨想往事發揮遺忠者嚴正痛快哀傷惻怛有足以揭日星而泣鬼神盖自臣祖臣叔父受禍以來所蒙於先朝若聖世前後恩典愈往愈摯已不翅曠絕而

三山齋集  
至今日更無毫髮之餘恨乃至未死殘裔咸得至前  
親被其愍恤繾綣之澤此 恩此德振古無有雖世  
世子孫糜身粉骨不足以爲報又豈區區筆舌所能  
自宣其萬一哉獨其所施於賤臣則誠有隕越而不  
自安者蓋臣不過空空之一老蔭耳進退出處初無  
可論徒以叨竊太僭揆分惶愧不敢爲唐突承膺之  
計由是而積犯違逋反若山林自重之爲此其情可  
哀而其罪亦不容於誅矣然而刑章不加 眷禮愈  
隆每有一番控籲輒勤一番敦勉史官傳宣便作應  
行之故事而今則至撤近密之班矣臣以何物敢當

斯寵雖然 殿下今日之召臣其事甚憾而其意至  
仁臣雖冥頑豈獨無感激奉承之心哉縱不能便出  
彈冠一造 文陛百拜稽首仰謝如天之 大恩仍  
得竊瞻 春邱岐嶷之表以慰延頸之忱而退填於  
溝壑亦可以粗伸臣子之分矣顧臣癰痼殘骸久成  
廢物形枯神鑠非復生人意象近自數月重患泄痢  
百病乘之輾轉危惡聲漸不能出喉脚痿不得成步  
少或勞動喘喘欲盡以此病勢實無強起趨走之望  
徊徨累日竟莫能自遂孤 恩負義罪死不赦撫躬  
悲歎尙何言哉文字締構亦難爲力今始收拾神魂

畧陳情實伏願 聖明察臣言之非敢為偽飾念  
天恩之不可以徒褻亟許收臣濫職以安賤分仍治  
臣前後慢 命之辜以昭公法不勝幸甚臣無任瞻  
天望 聖震悚祈懇之至

答曰省疏具悉爾懇多少在教諭爾可悉  
之此不復煩爾須亟回還心斯速造朝

再疏 十月

伏以臣頃自超授見職以來數月之間三上辭疏而  
今且至於四矣衷情已竭 敦迫愈勤使命交於道  
路 天書溢於几案日夜惶窘覓死無路茲者 別  
諭又隨疏批而下十行 辭教轉益嚴重至以宋仁

宗世舊二字為上下交勉之資則實千古人臣所罕  
得之殊榮異渥臣仰體 聖意俯念先故不自知感  
淚之霑胷也惟其所控情實終未蒙俯察若以臣為  
可進而不進臣竊自悼言行無素不能見孚於 君  
父乃至於此誠無顏面更煩籲呼而亦不容遂已茲  
敢披瀝肝血而畢陳之臣竊惟 君命至尊也慢則  
必誅 君恩至重也負則有戮而古之人乃或有終  
身逡巡而不敢進者何也無他義而已苟得乎義其  
慢也乃所以為恭其負也乃所以為報故聖人取之  
而明主容焉臣之卑末固不敢妄援前哲而區區迷

三山齋集  
執亦自有在蓋臣蔭吏也 殿下以蔭吏召之臣安敢不進卽以儒者召之臣又安敢進臣於前者伏奉聖批有曰在昔名儒不特從蔭路進亦多有科目出身此誠然矣而要其人自有本末不可以恒例論者也如臣本無志業空空一棄材幸竊斗祿苟濟口腹之謀輾轉乾沒爲府爲牧而遂老于其中是於蔭吏尤其碌碌而可賤者耳末俗嗥吡真妄易眩徒見臣生長儒家則意其有見聞之素病蟄田間則意其有操守之實妄相攬掇致誤朝聽節次推排僥濫不已乃今居然爲儒者而 殿下召之以此臣誠汗下亦

有廉愧豈得冒昧於斯乎此臣所以每一聞 命驚駭羞蹙若不知 天威之可畏 天恩之可懷而寧自陷於慢與負之誅者也若其醜陋病伏雖不敢每溷 宸聽而誠亦有不可强者苟其不然臣以曾經仕宦之身世受 國恩與天無極幸蒙收召得備任使奔走夷險乃其分耳又况 冑筵勸講尤今日臣子歡忻鼓舞竭誠致力之地則不於此自效而獨苦辭深引悍然爲枯死窮山之計者豈人之情也哉苟觀乎此卽知臣前後哀懇亶出於萬不獲已而非一毫假飾也明矣伏願 殿下少垂哀憐亟許褫臣職



三山齋集  
名永寢招徠之舉俾臣得以粗全微諒待盡溝壑則  
不惟臣攢手祝 天誦恩無窮亦將有光於 天地  
遂物之仁矣臣既不能進而承 命則理宜早入文  
字以俟 處分而一向瀆聒亦甚惶悚赧赧至今始  
克封進罪尤萬死臣無任屏營祈懇之至

答曰省疏具悉爾懇春坊必置贊善進善等官非爲  
觀瞻也蓋畀以輔導之任責以訓迪之效則予所以  
簡在爾者其意豈徒然哉然予誠淺不能亟回還心  
自顧慙慙無以爲喻爾須念君臣之大義勿復異讓  
即速造朝以副  
予虛佇之望

乙巳歲首 別諭後辭免疏 二月

伏以臣之所叨職名夫豈一日而竊據者哉號籲未

格遂至經歲日夜憂悸如無所容况伏念 春宮邸  
下寶齡添籌睿思日開此時講任尤不宜少曠方將  
冒死申控冀蒙 處分而床第困篤含意未遂不意  
此際 恩諭先降其辭教之益勤責望之猥重又非  
前日之比一則曰風教之漸夷也將須爾等而扶之  
二則曰俗習之漸渝也將須爾等而整之終又以裨  
益 聖躬輔導 春宮爲第一急務而求助之意藹  
然 絲綸之表噫嘻此何爲而及於臣哉念臣本分  
不過庸拙之一俗吏志業行能一無可取蹙躓泥塗  
兀然老醜凡此情實悉暴於前後辭章以 殿下之

三山齋集  
明聖何所不燭而今茲所 教乃皆大人君子格君  
定國之事業也以是而 命于臣臣心惶慙固所不  
論獨不損 謨訓之嚴而重貽四方之駭惑乎臣於  
前冬猥陳區區迷執敢以爲以蔭吏召則進以儒者  
召則不敢進此實附於虞人不至之義而竊期終身  
守之故質言於 君父如此今 殿下之召臣者非  
所以召臣而雖真有儒者當之或將逡巡於斯臣安  
敢聞 命也至若 聖諭中未可相助數句語臣於  
此竊不勝萬萬懍惕而繼之以自悼焉嗚呼士生斯  
世難逢者時耳從古賢哲懷道德蘊經綸老死於巖

穴者何可勝數今也 聖人在上萬物咸覩立經陳  
紀不敘彝倫慨然以明天理正人心之大任寤寐承  
佐之賢惜不令古人當此之時昭融密勿以爲千載  
之一快而招徠之音乃辱於如臣卑末臣進無可行  
之學退有必守之分終無以少效尺寸仰荅 隆眷  
徒使 聖上側席如渴之至意虛擲於草莽而止孤  
負 盛際死有餘恨撫躬慚歎尙誰尤哉臣承 諭  
日久不幸家有拘忌之故今始離次拜章稽緩已甚  
尤增悚息伏願 聖慈察臣言之非飾諒臣情之難  
強亟許鑄削臣職仍治臣違慢之罪以嚴邦憲以靖

私義不勝幸甚臣無任隕越祈懇之至

答曰省疏具悉爾懇歲首敦勉罄予至意竊庶幾勉回遐心不日造朝及見疏本遜讓愈摯跂待之餘無以爲諭顧予所以招延者豈爲備例而然哉經席之啓沃胄筵之輔導爲目下第一務故茲畀爾以講官授爾以宮銜况爾以世祿之家夙負士林之望則寧忍固守初服聽予昧昧乎爾須體君臣之大義幡然改圖庸副如渴之思

丙午歲首 別諭後辭免疏 正月

伏以臣一銜三載卸解無期哀籲屢徹 聰聽愈邈一向瀆聒亦所不敢蹙伏床第惟威罰是矣不意聖上因履端之節懋對時之政招徠之典旁行草野而臣名亦廁其中十行 恩諭丁寧懇惻其憂慨世

道至誠圖治之意有足感動木石而終又申申於春宮輔導之功若望臣萬一有裨於其間臣聞 命戰汗罔知所措嗚呼 殿下之志則盛矣而施之非人適足以爲累夫以 殿下明并日月照臨羣下豈不知臣萬萬不可語此特爲臣承乏儒選顧惜其名欲優假以進之耳顧臣庸愚湔劣文質無當少習雕篆一舉子而已晚汨簿書一蔭吏而已實未嘗一日從事於父祖之餘緒知識不足以通乎章句言行不足以信於鄉里到今衰昏荒落益甚枵然爲無用之一物夫無其實而冒其名比之於盜臣雖駑下竊所

三山齋集  
深恥其何敢揚揚彈冠辱 明詔而羞士林也且臣  
犬馬之齒已迫桑榆百病纏身日以漸鑠視聽昏塞  
肢脚不良痞滯一證尤爲難支之苦晝不得食夜不  
得臥有時悶急傍觀代危矻矻房闈死亡無日若是  
者又可論於當世之事耶嗚呼君臣之倫根於秉彝  
等分雖嚴而恩義尤重自非果忘之流未有以不仕  
爲節者如臣家本世祿厚蒙 國恩幸逢盛際受知  
又偏糜身粉骨不足爲報奔走夷險豈非其分而况  
臣伏聞 春宮邸下衣尺漸長 睿思日通昨年重  
陽之始講也 儀度儼然讀音洪暢滿廷環瞻莫不

忡躍伊時桂坊有出以語臣者相對羨詫幾欲起舞  
而今 寶齡又添一籌 書筵次第當開臣以此際  
名係宮僚其欲竭誠盡智自效於侍講之末者尤豈  
有限極哉顧以廉義拘之於前疾病縻之於後反覆  
揣量蠢動無路酬 恩報德此生已矣撫躬悲歎尙  
復何言伏願 聖慈憐臣肝膈之懇亟許刊削臣職  
仍治臣違 命之罪俾重任無曠微分獲安焉臣無  
任涕泣祈懇之至

答曰省疏具悉爾懇多少俱在敦諭更不多詰爾  
須亟回退心幡然登途以副予側席如渴之望

再疏 二月

三山齋集  
伏以臣以萬萬無似之賤品叨萬萬非常之寵命  
蹙伏三載罪負如山迺者辭召一疏畢暴危懇竊自  
謂披瀝肝血庶蒙日月之回照而及承聖批不  
惟不賜開允別諭隨下敦勉益摯其獎飭之隆期  
望之重皆非賤臣之所敢聞臣駭惶抑塞直欲鑽地  
以入而不可得也噫古人云天高聽卑殿下之於  
臣天耳夫何精誠之難格至於此乎今臣更不敢支  
蔓爲辭惟其區區迷執實關於廉愧大防於是而有  
失則上而貽累於清朝下而獲罪於聖門雖荷  
聖慈曲賜開曉而終不敢爲變動之謀是豈臣全昧

世臣之分敢自托於山林高尚之事而然乎哉誠有  
所不得已也至若癯殘實狀前疏所陳猶未敢毛舉  
醜態大抵只尸居餘氣耳數旬以來病情轉欲呼吸  
隔塞有仰無俯便成一籟際臣以義則如彼以病則  
如此恩命之下無由祇承伏地悲泣無所逃死抑  
臣常願竊有請也史官傳論列聖所以尊寵名  
儒而觀古記述文字未必一例而盡施至於先朝  
事則臣又目覩焉今臣之卑末每辱斯命甚或一  
月而屢至臣心惶蹙且未暇論王朝事體恐不宜  
如是之屑越也臣竊惜之臣病思昏短言不能盡伏

願 殿下憐而察之亟 命鑄削臣職凡係 恩數  
之濫猥者一切寢罷以嚴 國法以安私分不勝幸  
甚臣無任屏營祈懇之至

答曰省疏具悉爾懇敦召纔降異章輒到愧淺誠之  
未孚悵遐心之莫回憶自古巖穴之士其自重而難  
進者蓋有以焉以其跡則疏逃也以其志則高尚也  
無魯邦倦倦之義有莘畝器器之樂與世果忘若將  
終身此則所謂不召之臣也爾豈自處以巖穴之士  
哉予則待以世祿之臣也夫世臣之義以身許國同  
休共戚進而有一日之效則必思一日之陳力進而  
有一分之益則必思一分之致誠矧爾以奕世冠冕  
傳家詩禮及登薦剡允叶公議毋負淵源之學克盡  
啓沃之道即爾之責耳顧今胄筵將開尺衣漸長薰  
陶輔翼宜藉宿德爾於是固守東岡不思所以自效  
則夫豈世臣體國之道也世臣之誼自有世好授爾  
教胄之職者意豈徒然哉嘉爾世襲之家聲勗爾世  
篤之忠貞爾若念及于此當不待予言之畢而幡然

造朝也至若一時慎節自可勿藥齒不至耄庶無倦  
於床第坐而論道顧何損於筋力爾其亟回長往之  
心用副虛佇之望

王世子喪未赴哭班引罪疏 五月

伏以臣民無祿 王世子邸下遽爾薨逝嗚呼皇天  
曷其忍此惟我 殿下以止慈之聖情積日焦憂竟  
遭大憾俛仰之頃公除已訖 聲容永隔國事罔涯  
揆以常理豈得無傷損惟願深惟四百年 宗社之  
重 勉抑至哀隨事寬譬以慰率土羣生之望焉仍  
伏念臣之無狀幸得備數於宮官徒以匹夫咫尺之  
守不得一趨 銅龍昵陪溫文少伸臣子延頸之忱

而若其義分之重固有自別每聞 睿質卓異令譽  
夙彰自不覺手抃足蹈區區日夜之所祈祝惟在於  
衣尺驟長 德業益成以基我太平萬世之休則臣  
雖伏在草莽與有至榮而纔承勿藥之慶遽纏靡逮  
之哀神理回次莫測其倪此臣所以驚呼隕絕痛百  
常情而追思既往無事非罪雖死何以自贖也然猶  
不敢唐突 闕下與諸大夫國人同其哀號其所用  
情止於邑庭四日之哭甚矣臣之拘於小節而不思  
自盡於變故之際也雖其自來踪地或不容不然而  
律以典憲無所逃誅緣臣卑微刺舉無聞茲敢冒死

自列於 宸嚴之下伏乞 明詔有司重行勘處以

爲人臣昧分廢禮者之戒焉臣無任涕泣祈懇之至

答曰省疏具悉爾懇今日之痛尚忍言哉况爾職在  
宮中悲實之情想倍具僚矣雖在悲擾之中每切虛  
佇之誠奔慰之列宜有一番參哭先儒  
亦有行之者爾須幡然登途用副予意

辭祭酒疏 十月

伏以日月有期 文孝世子玄室永闕荏苒之間冬  
序且深臣民痛寃久益如割况我 殿下至情內發  
撫時增哀尤當如何臣於 禮葬之日昇到山下粗  
伸號慟而情踪多拘疾病隨劇咫尺 行殿未參進  
慰之列歸伏田間祇益耿耿而已仍伏念臣猥以庸

陋荷 聖上不世之遇拔之冗卑處以隆顯前後敷  
歷罔非僭竊居常悚蹙若無所容及至宮銜去身尙  
有 經筵職名則固當更徹哀籲期於禡免而回念  
疇昔神思摧廓隱忍泯默以迄于今不意茲者祇奉  
今月初五日 教旨以臣爲成均館祭酒噫嘻此又  
何爲而及於臣哉臣聞師儒之席地望最峻惟昔  
孝廟朝肇設此官以處先正臣文正公宋浚吉其時  
先正蓋嘗屢辭而後敢受而自是百有餘年繼之者  
僅十數人則其選可知也今以茂學無聞廢疾將死  
之一賤蔭苟然充數無所難慎有若尋常庶官之隨

窠填差者然臣心之惶愧欲死猶爲餘事褻名器而  
駭聽聞所損非細臣竊惑焉臣竊惜焉且臣之從初  
自畫於選職者非敢苟爲飾讓也誠以分所不堪不  
容冒沒耳雖其區區微諒若不足言而實關於 國  
家四維之重故竊期以此而終身首尾三年積犯違  
逋乃至有問而不敢對有哀而不敢赴向來挽章製  
述尤有所不忍辭者而亦以爲由選職而得之則終  
不敢膺 命惟此情實 日月之明亦庶幾畢燭矣  
今於垂死之年乃忽自渝其素守揚揚彈冠進據臯  
比之座不以爲忤則果成何狀人哉此不惟臣之所



不忍爲而其勢亦有不得行者則徒以稀濶官銜攬作野外虛糜之物以爲一身之榮而已 清朝綜核之政豈容其如是而臣尤安敢一日而自寧也臣言到此實出肝膈伏願 聖慈少垂諒察亟許遶臣新授職任仍並 經筵舊帶一體刊改一以息四方之譏議一以全匹夫之廉義公私不勝幸甚臣無任屏營祈懇之至

答曰省疏具悉爾懇國子新除意豈徒然蓋欲爾之儀予朝端明常彝於既墜回狂瀾於將倒也予之期望在此爾之擔負又在此爾雖聽予邁邁固守東樊幼而學壯而行亦非聖人之至訓乎予不多諾爾須亟回初心責然惠予庸副如渴之望

再疏 丁未四月

伏以臣一病纏髓死亡無日杜門尸居萬念灰冷惟是非分官銜尙寄身上豈不欲及此未暝竭誠控辭或冀 仁天之垂憐而去冬一疏未蒙 賜批恐懼蹙伏不敢復爲瀆擾之計只日夕追愆恭俟 威命而已乃於茲者喉舌之臣替宣 聖諭十行恩言丁寧諄摯謂臣無期造朝而令其改圖誠不自意無狀賤品尙煩收錄如此之勤而至若 慨念朝象以及乎賢關趨向之靡定特示思想之意則臣於是恟怍隕越益不知措躬之所也噫誠使臣學術足以彌綸

世道言行足以矜式儒林以仰贊 聖上君師之化則臣之出久矣政爲無此髣髴而徒竊榮祿於義爲不可故羞愧蟄伏甘作 聖世之一逋民此臣從前所執之微諒有不容隨時變改者而至於今日猶屬閒事顧臣病狀實爲難強臣年迫桑榆久成癯廢昨歲以前猶得隨分支吾不幸冬間重患傷寒數十日出沒死生遂致真元大陷客邪交侵半年之間日就漸鑠肉脫骨露尪然鬼形膈痞而糜粥不下脚攣而步立殆廢奄奄床席氣息漸微以此意象雖欲自棄素守一伸世臣戀結之忱何可得也酬 恩報德此

生永已瞻望 雲天只自悲泣臣旣不能出而膺命則所帶職名不容一向虛糜况此泮任號爲師儒而今 聖上正以士習爲憂尤宜亟先刊改博求當世賢德之士以處其位而責其成功豈可徒然委之於必不可進之身曠天工而妨實政哉伏願 聖明俯垂諒察特許鑄逆臣職仍治臣違 命之罪俾臣得以粗靖私義安意就盡千萬幸甚臣無任屏營祈懇之至

答曰省疏具悉爾懇別諭才宜異曠又至延佇之餘豈勝悵然此時責治望在如爾等林下之士爾何不幡然改圖副予至意乎前疏之批伊時卽已書下尚未承見大是惟事方令政院查治爾其勿復退處斯

速上來

請免遷 園時挽章製述仍辭職疏 已酉八月

伏以靈辰不淹 永祐園緬禮隔月 聖慕皇皇  
玉候屢愆臣民悲慮曷有其極仍伏念臣以萬萬無  
所似之賤品叨萬萬不敢當之濫職晏然虛縻于今  
四年以私則忘廉喪恥厚干法義之誅以公則瘵官  
廢職大傷綜核之政每一念之悚蹙欲死只緣前後  
哀懇例歸節讓一向瀆聒亦有所不敢徊徨泯默惟  
矣鈇鉞之加不意此際得見吏曹公文以臣啓下遷  
園時挽章製述官臣尤不勝惶悶之至惟茲之官實

是在朝詞臣之選臣既未敢以儒職自處則只一介  
前蔭吏耳其可冒廁於此乎往在 孝昌墓葬禮時  
亦以是不得製進而其說猥及於後來辭疏伏想  
聖明或記有之矣到今豈容有異而且臣瘖瘖宿疾  
近益危劇晝夜叫呼辛楚萬狀兩眼又忽失視便成  
盲廢昏昏貼席人事都絕實無濡毫運思綴緝句語  
之望以此以彼末由承 命不然方此大事當前小  
大奔走各效其力臣以草莽賤跡得藉末技以相執  
紼之役豈非所願而乃敢費辭煩顛於 哀疚之中  
哉伏乞 聖慈俯垂諒察亟許變通俾無臨期狼狽

三山齋集  
之患仍 命刊臣所帶職名重勘從前違傲之罪以

昭法紀以安微分不勝萬幸臣無任屏營祈懇之至

答曰省疏具悉爾懇望爾幡然不惟異辭愈勤并與  
挽詞撰進而如是固辭予則曰萬萬過矣爾其亟回  
前見即  
為撰進

辭工曹叅議兼祭酒疏 辛亥正月

伏以天祐吾東 元子宮衣尺漸長四重騰謠羣生  
顛若四百年 宗祊儼然有泰磐之重臣民歡忭與  
歲俱新仍伏念臣年衰病痼鬼事日近昏昏床席萬  
念灰冷惟以僭猥職名尚在身上每有省覺若隕淵  
谷不意水部新 命又下此際驚惶悶蹙益不知所

措水部雖稱閒局佐貳之任不為小矣在臣賤分豈  
當輒得而此猶姑舍今臣病狀只縷息僅存耳精神  
氣力殆非地上之物假使臣方為在朝之身惟當乞  
骸歸死尚何以復議於官職之事乎 恩除之下未  
由轉動臣罪萬萬至若國子峻望尤非臣一日冒居  
者而公然虛糜今為六年之久哀籲屢煩 聰聽愈  
邈徒使名器日輕天工曠廢區區廉義且未暇論  
聖朝綜核之政恐不容若是也顧今 國有大慶泰  
運方開矧當三陽之來正屬一初之會謂宜鼎新百  
度以答天休如臣僥濫首先刊汰仍正其前後違慢

之罪則亦豈不爲董治官而振頽綱之一事也臣久  
擬更瀝肝血仰請 處分而瀆擾爲懼躡喘未發今  
因 除旨輒敢仰首嗚呼伏乞 天地父母憐而察  
之亟許遞臣本兼兩任施以當施之罰俾臣得以歌  
詠 聖澤安意就盡不勝大願臣無任屏營祈懇之  
至

答曰省疏具悉爾懇爾以世祿之裔何如是邁邁屢  
勤招延無意出膺愧予誠淺無以爲喻爾須亟回前  
執卽起  
上來

書啓

史官傳 批因賜褒忠綸音後書啓

臣情私所迫冒控哀懇自知僭越方切悚息不意史  
官遠臨傳宣 聖批十行敦勉轉益隆摯至於 下  
賜褒忠綸音一冊係是特 恩臣伏地祇受尤不勝  
惶感之至顧以區區私義無路變動狗馬賤疾又方  
苦重終無以仰承 德意只自蹙伏俟罪而已

議

永禧殿雨漏處修改時 移還安當行與否議

十月

臣於病伏垂死之中禮官遠臨猥以 永禧殿修改  
時 移還安當否承 命俯詢臣學術寡陋尤矇禮

說何敢僭有論說於至重之儀章而况臣所被榮選  
揆分不稱前後 恩除一未得趨承則只依舊一蔭  
吏而已以蔭吏之賤而冒當儒臣之遇尤非私義之  
所敢出左右思量竟無由開喙仰對只自惶恐俟誅  
而已

因朴一源所懷

廟樂祀典改仍當否議

丙午正月

臣之區區私義不敢以儒臣自處昨年收議之見及  
也僭以此意有所附陳伏想 聖明或記有之矣今  
又以樂舞祭品二大事猥 勤詢蕘而株守難改竟  
莫能有所仰對徒令 王人遠辱惶恐死罪

大殿爲

王世子服制議

五月

臣纔承罔涯之音精神悲錯莫省所措此際禮官臨  
門猥以服制大節承 命俯詢臣素懵禮學其於  
王朝之制尤未有所講雖欲開喙仰對實無其路且  
臣自來處義不敢以儒臣自居今亦不容冒沒爲言  
惶悚死罪

公除後私家行祭當否議

同月

臣於日昨收議之見及也敢以區區私義不得仰對  
之意有所附陳伏想已蒙 照察矣不意茲者又以  
公除後私家祭祀許行當否有此 下詢願臣迷執

有不容隨時變改終不敢開口數日之間再使人虛辱伏地悚息恭俟嚴誅而已

惠慶宮爲

王世子服制議

同月

臣之從前不得獻議非敢慢也實緣私義之不容不然俄於禮官之來更陳此狀矣今又以惠慶宮服制改定可否蒙此下詢而分限所拘終無由冒昧仰對不勝惶悚之至

因大司諫李崇祐疏

王世子服制中白皮靴

追改當否議

六月

卽者禮官以今番服制中白皮靴追改一節承命

來詢而臣之自處與前無異又不敢有所仰對惶悚之極罔知所措

王世子喪公除後

太廟大祭用樂當否議

六月

臣於近日荐蒙收議之見及而不惟臣知識昧陋無以與聞於王朝典禮自揆賤分不敢當儒臣之遇一未能開口論列少答詢蕘之盛意跡涉慢蹇如無所容今以秋享大祭用樂當否復勤清問而區區微諒不忍破壞竟使王人虛辱只自蹙伏俟罪而已

王大妃殿總制盡後祭服收藏之節議

七月

臣以蔭路賤品不敢與聞於 王朝典禮前後以此  
屢煩陳暴而尚未蒙刊汰之典今茲禮官又以 王  
大妃殿總制盡後祭服收藏之節承 命來問不勝  
惶悚悶蹙之至顧臣區區所守有關廉義終不敢唐  
突開口以答 詢蕘之盛意罪戾層積伏地俟誅而  
已

再議

閏七月

卽者禮官更以 王大妃殿服制事奉 命臨問而  
區區處義終不敢冒沒仰對惶恐死罪

魂宮 親祭 神主降座及上香時坐立當否議

同月

臣之區區私義終不敢冒當儒臣之遇今於 詢問  
之下又不克仰對祇增悚蹙而已

神輦過

太廟時低擔當否議

同月

臣私義所拘每令 王人虛辱今以 神輦過 太  
廟時節次猥蒙 下詢而迷滯之守與前無異又不  
免緘默而止不勝戰懼之至

文孝世子小祥後

親臨

魂宮墓所時服色議

丁未四月

卽者禮官以 文孝世子小祥後 親臨廟墓時服



色承 命俯詢而臣之自來踪地不敢以儒臣自處  
無由冒沒仰對只切惶蹙而已

三山齋集卷之二

此則言聖道 雖見九難

六載社大德

其五也 德者於外而有

易乎惟其主誠 理主於

*[Faint bleed-through text from the reverse side of the page, including characters like '此則言聖道', '六載社大德', '其五也', '德者於外而有', '易乎惟其主誠', '理主於']*

